

小字錄補六卷

明人沈宏正公路編



小字錄補序

余友沈公路自頃歲積病無復當世

之意若遂忘其疇昔之勤者以為今

日所須唯藥物耳而草木性偏吾疾

而既偏矣豈宜力與之爭其唯作無

益以悅有涯乎嘗一寄情於絲竹焉



初若有適久之則又憬然悟曰此所謂益多者也欲以藥吾偏而藥之偏彌甚求其若存若亡可作可輟而聊以寄吾心者獨書而已往客至語合以忘其病去則澹然獨居發篋陳書而婆娑其間少疲即又置之以為

常無幾何而蟲志成矣又未幾而纂小字錄補有向之適而無其勞徐徐于飲噉有加而霍然可知也予以謂君之為此編非獨以廣異聞而已凡人品之高下與時事之得失而興亡之鑒戒亦略見其概焉嗟乎父

母之生子也甫三月而命之名年十
六而又有字以尊其名自童子而漸
教之以成人之禮蓋如此也當夫乳
哺孩提之日顧之復之不勝其愛憐
之也而別命之小名子未有知也聞
呼其名則應之以笑至於能言而唯

阿能行而步趨且教之誦詩教之舞
勺舞象愛彌深則誨彌殷而防閑之
彌切夫豈獨曰吾幸有子焉而已吾
父吾祖之幸有後焉而已不忍其賤
且貧也則祝之以貴富其幸而遭時
也則又望之譽聞彰而功烈著唯恐

其一失足而陷於不義以為父母羞
斯尤君子之異於庸衆人也而為之
子者亦必思其所以報也鼎食不足
以為養公卿不足以為榮而必且貽
之令名卓然與流俗異趣而後可以
無負於吾親此人子之大孝也蓋自

童穉而逮於衰老中間蚤作夜休以
自效於時以有傳於後未有不自命
名始矣其尋常無聞與鳥獸草木同
朽腐者蓋不足論也夫孰使百世而
下誦其言語考其行事而想像如景
星慶雲和風甘雨海涵而岳峙者乎

又孰使聞其姓名則唾且罵迹其所
為如封豕如長蛇如妖狐射工猶忿
忿為當時之人怒目而切齒者乎嗟
乎賤不如貴貧不如富夫非恒情也
歟而及其變也富乃不如其貧貴乃
不如其賤是以君子必顧名而思義

也而沒二者乃謂不能垂芳亦當遺
臭一何不愛其名之甚也夫獨非人
子乎哉昔者夫子之論孝曰父母唯
其疾之憂蓋其所不憂有大焉者矣
是以為孝矣若夫公路之意以為
疾吾無如之何也有慎之而已所以

慰二親於地下又孰為大乎名乎名乎可不慎乎此其所以補是錄之微旨也且吾行見子之疾瘵矣雖勿藥可焉萬曆己未仲夏友人婁堅叙



小字錄補例 三則

一名編

夫兒墮地呼曰阿誰非名之初乎已而更名是初名為小也自唐人有官名小名之區則陸龜蒙作小名錄矣至宋而登科錄有小名小字之載則陳思氏作小字錄矣是小名小字可以互稱也然陳仍陸之草而予續陳之貂故名曰小字錄補焉如靈

均正則小名小字備者亦必先書小字焉
一取則

小名者對官名而言也若初名之後更無
他名則又何小之有陸氏以秦二世漢世
祖之名為小名未見其信也又渭城小女
與丈夫並稱彭寵叛奴與帝王並列亦未
見其安也陳思氏首列帝王巋然如衣服
之有冠冕又特起小名一行然後疏出爵

里氏族行事斯亦提要鉤玄矣予所以斷
然法陳也

一辨誤

王羲之字逸少小字阿蕘謝琰小名末婢
封望蔡公王臨之字仲產亦稱阿林今以
逸少望蔡阿林為小字者世說注之誤也
齊武陵王暉小字三昧謝瞻字宣遠今以
阿五為武陵小字阿遠為瞻小字者陸龜

蒙之誤也至有更字有更有別字有以字行即誤亦不至此可以無摘矣

吳淞沈弘正識

沈弘正

沈弘正

沈弘正

沈弘正

沈弘正

小字錄補卷之一

吳淞 沈弘正 緝

歷代帝王

執嘉

建初七年冬十月癸丑西巡狩畚長安

丙辰祠高廟遂有事十一陵遣使者祠

太上皇於萬年注太上皇高祖父也名

熅音它官反一名執嘉蓋小三輔黃圖

曰高祖初都洛陽太上皇崩塋櫟陽北
原陵號萬年仍令置萬年縣在今櫟陽
東北故祭祀焉

章帝本紀

馬大年著嬾真子錄言前漢初去古未
遠風俗質略故太公無名母媪無姓然
唐宰相世系表叙劉氏所出云豐公生
熾字執嘉生四子邦漢高帝也噫高皇
之父漢史不載其名而唐史乃載之此

事亦可一笑予謂風俗雖質略安有無
姓之理母媪無姓特史逸之爾至於太
公之名則漢史已具載歐陽公特誤以
執嘉爲字然太公之名初非唐史勅書
之也

梁谿漫志

阿斗

劉後主諱禪字公嗣先主子也建安二
十四年先主爲漢中王立爲王太子及

卽尊號冊曰惟章武元年五月辛巳皇帝若曰太子禪朕遭漢運艱難賊臣篡盜社稷無主格人羣正以天明命朕繼大統今以禪爲皇太子以承宗廟祇肅社稷使使持節丞相亮授印綬敬聽師傳行一物而三善皆得焉可不勉與

志

孟達與劉封書曰足下與漢中王道路

之人耳親非骨血而據勢權義非君臣而處上位征則有偏任之威居則有副軍之號遠近所聞也自立阿斗

後主爲小字

太子已來有識之人相爲寒心今足下弃父母而爲人後非禮也知禍將至而留之非智也見正不從而疑之非義也自號爲丈夫爲此三者何所貴乎以足下之才弃身來東繼嗣羅侯不爲背親

也北面事君以正綱紀不爲弃舊也怒
不致亂以免危亡不爲徒行也

本傳

彭祖

吳後主孫皓字元宗權孫和子也一名
彭祖字皓宗孫休立封皓爲烏程侯遣
就國西湖民景養相皓當大貴皓陰喜
而不敢泄休薨是時蜀初亾而交趾攜
叛國內震懼貪得長君左典軍萬彧昔

爲烏程令與皓相善稱皓才識明斷是
長沙桓王之疇也又加之好學奉遵灑
度屢言之於丞相濮陽興左將軍張布
興布說休妃太后朱欲以皓爲嗣朱曰
我寡婦人安知社稷之慮苟吳國無隕
宗廟有賴可矣於是遂迎立皓時年二
十三改元大赦是歲於魏咸熙元年也

三國志

晉文帝問孫皓聞南人好作爾汝歌頗能為不皓正飲酒因舉觴勸帝而言曰昔與汝為隣今與汝為臣上汝一杯酒令汝萬壽春帝悔之

世說

三郎 阿瞞

太平公主沈斷有謀則天愛其類已誅二張滅韋氏咸賴其力焉睿宗朝軍國大事皆令宰相就宅諮決然後以聞睿

宗與羣臣呼公主為太平玄宗為三郎凡所奏請必問曰與三郎商量未其見重如此

大唐新語

明皇自稱阿瞞呼人為查言士夫如仙查隨流順變升天入地能處清濁有似賢人也

類說

曹瞞操小字明皇小字亦曰阿瞞

韻府

羣玉

大奴

代宗諱豫肅宗長子也玄宗諸孫百餘

人代宗最長為嫡皇孫 本紀

太上皇移入大內甘露殿悲悼妃子無

日無之遂辟穀服氣張皇后進櫻桃醵

漿聖皇竝不食常玩一紫玉笛因吹數

聲有雙鶴下於庭徘徊而去聖皇語侍

兒宮愛曰吾奉上帝所命為元始孔昇

真人此期可再會妃子耳笛非爾所寶
可送大奴大奴代宗小字也 樂史

岩郎

唐德宗降誕三日玄宗肅宗次之代宗

又次之保母襁褓德宗來呈德宗色不

白皙龍身仆前肅宗代宗皆不悅二帝

以手自下遞傳呈上玄宗玄宗一顧之

曰真我兒也謂肅宗曰汝不及他又謂

代宗曰汝亦不及他髣髴似我見而在位二十七年六十三崩肅宗登位五年代宗登位十五年是不及也後明皇奔蜀至中路曰岩郎亦一遍到此來裏及德宗奔梁是驗也乃知聖人應天授命享國年深豈是徒然

嘉話錄

亞子

後唐莊宗名存勗小名亞子晉王李克

用長子嗣晉王滅梁即帝位改元同光
 優人郭從謙作憂中流矢殂

帝王姓系

莊宗知音能度曲至今汾晉之俗能歌其聲謂之御製小字亞子昔人或謂之亞次又別為優名以自目曰李天下嘗與羣優戲四顧而呼曰李天下李天下何在敬新磨遽以手批其頰莊宗失色羣伶大驚共持新磨新磨對曰李天下

者一人而已復誰呼邪莊宗大喜新磨
嘗奏事殿中一犬逐之新磨倚柱而呼
曰陛下母縱見女嚙人莊宗大怒彎弓
射新磨新磨急呼曰陛下無殺臣臣與
陛下爲一體殺之不祥莊宗大驚問其
故對曰陛下開國改元同光且同銅也
若殺敬新磨則同無光矣

五代史

邈
佶烈

後唐明宗名嗣源改名亶晉王李克用
養子受命討鄴叛軍莊宗遇弒入洛陽
自立卽帝位在位八年

王彥章被擒莊宗愛其驍勇欲全活之
使人慰諭彥章彥章謝曰臣與陛下血
戰十餘年今兵敗力窮不死何待且臣
受梁恩非死不能報豈有朝事梁而莫
事晉生何面目見天下之人乎莊宗又

遣明宗往諭之彥章病創臥不能起仰
顧明宗呼其小字曰汝非邈佶烈乎我
豈苟活者

五代史

二十三

清泰小字二十三蓋正月二十三日生
也以是日爲千春節人臣奏對但云兩
旬三日或數物則云二十二更過二十
四不嚴斥尊也

續博物志

後唐廢帝鎮州平山人也本姓王氏其
世微賤母魏氏少寡明宗爲騎將過平
山掠得之魏氏有子阿三已十餘歲明
宗養以爲子名曰從珂及長狀貌雄偉
謹信寡言而驍勇善戰明宗甚愛之自
嘗戰梁于河上從珂常立戰功莊宗呼
其小字曰阿三不徒與我同年其敢戰
亦類我

五代史

沙門

愍懷太子適字熙祖惠帝長子母曰謝才人賈后將廢太子有童謠曰東宮馬子莫聾空葍至臘月纏汝髮又曰南風起兮吹白沙遙望魯國鬱嵯嵯千歲髑髏生齒牙南風后名沙門太子小字也

晉列傳

阿皮

晉河間平王洪子威字景曜初嗣洪威寧三年徙封章武太康九年嗣義陽王望威凶暴無操行諂附趙王倫元康末爲散騎常侍倫將篡使威與黃門郎駱休逼帝奪璽綬倫以威爲中書令倫敗惠帝反正曰阿皮捩吾指奪吾璽綬不可不殺阿皮威小字也於是誅威

晉列傳

車士

廬陵王義真為揚州刺史太后謂上曰
道憐汝布衣兄弟故宜為揚州上曰寄
奴於道憐豈有所惜揚州根本所寄事
務至多非道憐所了太后曰道憐年出
五十豈當不如汝十歲兒邪上曰車士
雖為刺史事無大小悉由寄奴道憐年
長不親其事於聽望不足太后乃無言

車士義真小字也 宋書

車子

彭城王義康小字車子

會稽長公主於兄弟為長太祖至所親
敬義康南土後久之上嘗就主宴集甚
懽主起再拜稽顙悲不自勝上不曉其
意自起扶之主曰車子歲莫必不為陛
下所容今特請其生命因慟哭上流涕
舉手指蔣山曰必無此慮若違今誓便

負初寧陵卽對所飲酒賜義康并書曰
會稽姊飲宴憶弟所餘酒今封送車子

宋書本傳

師護

衡陽王義季小字師護

宋書本傳

虎頭

始興王濬少好文籍姿質端妍母潘淑
妃有盛寵皆六宮無主潘專總內政濬

人才既美母又至愛太祖甚畱心建平

王宏侍中王僧綽中書侍郎蔡興宗並

以仁義往復初元皇后性忌以潘氏見

奔遂以恚恨致崩故劭深疾潘氏及濬

濬慮將來受禍乃曲意事劭劭與之遂

善多有過失屢爲上所詰讓憂懼乃與

劭共爲巫蠱及出鎮京口聽將揚州文

武二千人自隨優遊外藩甚爲得意在

外經年又失南兗於是復願還朝廬陵
王紹以疾患解揚州嘗江夏王義恭外
鎮濬謂州任自然歸已而上以授南譙
王義宣意甚不悅乃因負外散騎侍郎
徐爰求鎮江陵又求助於尚書僕射徐
湛之而尚書令何尚之等咸謂濬太子
次弟不宜遠出上以上流之重宜有至
親故以授濬時濬入朝遣還京爲行留

處分至京數日而巫蠱事發皆二十九
日年七月也上惋歎彌日謂潘淑妃曰大

子圖富貴更是一理虎頭復如此非復
思慮所及汝母子豈可一日無我耶濬

小名虎頭

宋書

多王
王瞻好裁貶人物小時與齊豫章王嶷
爲友嘗候嶷高論帝時在大牀寢瞻

謂疑曰帳中人物亦復隨人寢與疑言
 次忽問王景文卿兄措賢愚何如殷道
 矜瞻曰卿遂復言他人兄耶武帝笑稱
 疑小名多王汝兄愚那得忽來王參軍
 此句瞻曰直恐如卿來談武帝銜之未
 嘗形色南史列傳

白鳥

長沙王晃字宣明齊太祖第四子也少

有武力為太祖所愛臨崩以晃屬世祖
 處以輦轂近蕃勿令遠出永明元年上
 遷南徐州刺史竟陵王子良為南兖州
 以晃為使持節都督南徐兖二州諸軍
 事鎮軍將軍南徐州刺史入為散騎常
 侍中書監諸王在京都唯置捉刀左右
 四十人晃愛武飭罷徐州還私載數百
 人仗還都為禁司所覺投之江水世祖

禁諸王畜私仗聞之大怒將糾以灑豫章王疑於御前稽首流涕曰晃臯誠不足宥陛下當憶先朝念白鳥白鳥晃小字也

本傳

三昧

武陵昭王臯字宣昭高帝第五子也母羅氏從高帝在淮陰以臯誅臯年四歲思慕不異成人每慟吐血高帝敕武帝

曰三昧至性如此恐不濟汝可與共往毋抑割之三昧臯小字也武帝卽位歷中書令祠部尚書巫覡或言臯有非常之相以此自負武帝聞之故無寵未嘗處方岳於御坐曲宴醉伏地貂抄肉梓帝笑曰汗貂對曰陛下愛其羽毛而疎其骨肉帝不悅帝委豫帝王疑東田宴諸長王獨不召臯疑曰風景殊美今日

甚憶武陵上仍呼使射屢發命中顧四坐曰手何如上神色甚怪疑曰阿五常日不禽今可謂仰藉天威

南史列傳

烏熊

齊武帝第三子廬陵王子卿為南豫州刺史帝稱其小名謂司徒竟陵王子良曰烏熊癡如熊不得天下第一人為行事無以壓一州既而曰吾思得人矣乃

使慧曉為長史行事別帝問曰卿何以輔持廬陵荅曰靜以修身儉以養性靜則人不擾儉則人不煩上大悅

南史列傳

緣覺

蕭綜字世讚偽齊昏主寶卷遺腹子也寶卷臨政淫亂吳人苦之雍州刺史蕭衍立南康王寶融為主舉兵向秣陵事既克捷遂殺寶融而自立寶卷有美人

吳景暉時孕綜經月衍因納景暉及綜生認為已子小名緣覺對豫章王

洛陽

伽藍記

青雀

太子承乾既廢魏王泰因入侍太宗面許立為太子乃謂侍臣曰青雀入見自投我懷中云臣今日始得與陛下為子更生之日臣有一孽子百年之後當為

陛下煞之傳國晉王父子之道固當天性我見其意甚矜之青雀泰小字也褚遂良進曰失言伏願審思無令錯誤安有陛下萬歲之後魏王持國執權為天子而肯殺其愛子傳國晉王者乎陛下頃立承乾後寵魏王愛之踰嫡故至於此今若立魏王須先措置晉王始得安全耳太宗涕泗交下曰我不能也因起

入內翊日御兩儀殿羣臣盡出詔留長孫無忌房玄齡李勣褚遂良謂之曰我有三子一弟所爲如此我心無慘因自投于牀無忌爭趨持上抽佩刀無忌等驚懼遂良於手爭取佩刀以授晉王因請所欲立太宗曰欲立晉王無忌等曰謹奉詔異議者請斬之太宗謂晉王曰汝明許汝也宜拜謝之晉王因下拜移

御太極殿召百寮立晉王爲皇太子羣

臣皆稱萬歲

大唐新語

花奴

汝陽王璿宣王長子也姿容妍美秀出藩邸玄宗特鍾愛焉自傳授之又以其聰悟敏慧妙達其旨每隨遊垂頃刻不捨璿嘗戴研絹帽打曲上自摘紅槿花一朶置於帽上其二物皆極滑久之方

安遂奏舞山香一曲而花不墜上大喜
 笑賜金器因誇曰花奴資質明瑩肌髮
 光細非人間人必神仙謫墜也寧王謙
 謝隨而短斥之上笑曰大哥不必過慮
 阿瞞自是相師夫帝王之相且須英特
 越逸之氣不然有深沈包育之度花奴
 但明秀邁人悉無此狀固無猜也而又
 舉止閒雅當更得公卿間令譽耳寧王

又謝之而曰若於此臣乃輸之上曰若
 此一條阿瞞亦輸大哥矣寧王又謙謝
 止笑曰阿瞞贏處多大哥亦不用撝揖
 衆皆歡賀玄宗性俊邁酷不好琴曾聽
 彈正弄未及畢叱琴者曰待詔出去謂
 內官曰速召花奴將羯鼓來爲我解穢

羯鼓錄

和哥宗慈昔日殿前曾見

味莊宗歲皆自魏歸省親須錢蒲博賞賜
 伶人而張承業主藏錢不可得莊宗乃
 置酒庫中酒酣使子繼岌為承業起舞
 舞罷承業出寶帶幣馬為贈莊宗指錢
 積呼繼岌小字以語承業曰和哥乏錢
 可與錢一積何用帶馬為也五代史

馮六

後晉陳王重杲高祖幼子也小字馮六

未名而卒贈太傅追對陳王賜名重杲
五代史

小字錄補卷之一終

小字錄補卷之二

小字錄補卷之二

吳淞曰沈弘正

周

玄祿

老子始生其母名之曰玄祿

集真記

老子名耳字伯陽一名雅字伯宗一名

志字伯光一名石字孟公一名重字子

文一名定字元陽一名元字伯始一名

顯字元生一名德字伯文玄妙篇云初

生時名玄祿 胡氏筆叢

靈均

同年小錄載小名小字或問有故事乎

或曰始於司馬犬子僕曰不然離騷經

曰皇覽揆予於初度兮肇錫予以嘉名

名予曰正則兮字予曰靈均且屈原字

平而正則靈均則其小字小名也所謂

皇者三閭稱其父也後人遂以皇覽為

進御之書誤矣 懶真子

漢

曼倩

東方朔小字曼倩父張氏名夷字少平

母田氏夷年二百歲顏若童子朔生三

日而田氏死時漢景帝三年也鄰母拾

養之時東方始明因以姓焉 太平廣記

東方朔者平原厭次人也久在吳中爲書師數十年
帝皆上書說便宜拜爲郎至昭帝時時人或謂聖人或謂凡人作深淺顯默之行或忠言或戲語莫知其旨至宣帝初弃郎以避亂世置憤官舍風飄之而去後見於會稽賣藥五湖智者疑其歲星精也

列仙傳

慈明

慈明荀爽小字也

韻府羣玉

荀爽一名諝漢南紀曰諝文章典籍無不涉時人諺曰荀氏八龍慈明無雙潛處篤志徵聘無所就張璠漢紀曰董卓秉政復徵爽爽欲遁去吏持之急起布衣九十五日而至三公

世說注

阿奉

阿買

阿興

晉宋人多稱阿如云阿戎阿連之類或
者謂此語起於曹操稱阿瞞余觀漢武
帝呼陳后爲阿嬌知此語尚矣設謂此
婦人之稱則間以男子者如漢殺阬碑
陰有阿奉阿買阿興等名

野客叢談

魏

阿蘇

秦朗父名宜祿爲呂布使詣袁術術妻
以漢宗室女其葺妻杜氏畱下邳布之
被圍關羽屢請於太祖求以杜氏爲妻
太祖疑其有色及城陷太祖見之乃自
納之宜祿歸降以爲銍長及劉備走小
沛張飛隨之過謂宜祿曰人取汝妻而
爲之長乃蚩蚩若是邪隨我去乎宜祿
從之數里悔欲還飛殺之朗隨母氏畜

于公官太祖甚愛之每坐席謂賓客曰
世有人愛假子如孤者乎

朗游遨諸侯間歷武文之世而無尤也
及明帝卽位授以內官爲驍騎將軍給
事中每車駕出入朗常隨從嘗明帝喜
發舉數有以輕微而致大辟者朗終不
能有所諫止又未嘗進一善人帝亦以
是親愛每顧問之多呼其小字阿蘇

魏

志

默

曹爽輔政乃拔丁謐爲散騎常侍遂轉
尚書謐爲人外似疎略而內多忌其在
臺閣數有所彈駁臺中患之事不得行
又其意輕貴多所忽略雖與何晏鄧颺
等同位而皆少之唯以勢屈於爽爽亦
敬之言無不從故于嵩謗書謂臺中有

三狗三狗崖柴不可當一狗憑默作疽
囊三狗謂何鄧丁也默者爽小字也其
意言三狗皆欲嚙人而謚尤甚也

魏略

寇奴

嬰子 黯奴 盧兒

臧霸一名寇奴孫觀名嬰子吳敦名黯
奴尹禮名盧兒建安二十四年霸遣別
軍在洛會太祖崩霸所部及青州兵以

天下將亂皆鳴鼓擅去文帝即位以
替休都督青徐霸謂休曰國家未肯聽
霸耳若假霸步騎萬人必能橫行江表
休言之於帝帝疑霸軍前擅去今意壯
乃俞遂東巡因霸來朝而奪其兵

魏略

鴛

文欽中子傲小字鴛

魏氏春秋

傲後爲將軍破涼州虜名聞天下太康

中為東夷校尉假節當之職入辭武帝
帝見而惡之託以他事免俶官

晉諸公贊

吳

白鵠

張承之母孫氏懷承之時乘輕舟遊於
江浦之際忽有白蛇長三尺騰入舟中
母祝曰若為吉祥弗毒噬我縈而將還

置諸房內一宿視之不復見蛇嗟而惜
之隣中相謂曰昨見張家有一白鶴聳
翮入雲以告承母母使筮之筮者曰此
吉祥也蛇鶴延年之物從室入雲自下
升高之為也管吳王闔閭葬其妹殉以
美女珍寶異劔窮江南之富未及十年
雕雲覆於谿谷美女遊於塚上白鵠翔
於林中白虎嘯於山側皆昔昔之精靈

今出於世當使子孫位超臣極擅名江
表若生子可以名曰白鵠及承生位至
丞相輔吳將軍年踰九十地鵠之祥也
拾遺記

晉

鷓鴣

胡烈兒名淵字世元遵之孫也遵安定
人以身兼文武累居藩鎮至車騎將軍

子奮字玄威亦歷方任女為晉武帝貴
人有寵太康中以奮為尚書僕射加鎮
軍大將軍開府弟廣字宣祖少府次烈
字玄叅秦州刺史次岐字玄嶷并州刺
史廣子喜涼州刺史淵小字鷓鴣昔年
十八既殺會救父名震遠近
晉諸公贊

彭祖

王渾從子浚是司空沉賤嬖子小崑不

為親黨所知渾嘗語諸弟曰卿等莫輕
彭祖王浚小字此見平世不減方州牧伯亂
世可為都督三公浚懷愍之世果為幽
州都督位至鼎輔如渾所說何氏語林

阿巢

殷顓庾恒並是謝鎮西外孫殷少而率
悟庾毋不推嘗俱詣謝公謝公熟視殷
曰阿巢故似鎮西巢殷顓小字也於是庾下聲

語曰定何似謝公續復云巢頰似鎮西
庾復云頰似足作健不世說新語

官奴

王獻之字子敬羲之第七子官至中書
令清峻有美譽而高邁不羈風流蘊藉
為一時之冠方學書次羲之密從其後
掣其筆不得於是知獻之他日當有大
名後其學果與羲之相後先獻之初娶

郝曇女羲之與曇論婚書云獻之善繇書咄咄逼人又嘗書樂毅論一篇與獻之學後題云賜官奴即獻之小字陶宗儀書史

虎頭

顧愷之字長康小字虎頭或云為虎頭

將軍

韻府羣玉

初在桓溫府常云愷之體中癡點各半

合而論之正得平耳故俗傳愷之有三絕才絕畫絕癡絕尤信小術以為求之必得桓玄嘗以一桮葉詒之曰此蟬所翳葉也取以自蔽人不見已愷之喜引葉自蔽玄就溺焉愷之信其不見已也甚以珍之晉本傳

思道

桓南郡與道曜講老子王侍中為主簿

在坐桓曰王主簿可顧名思義王未答

且大笑桓曰王思道桓之小字也能作大家

見笑世說新語

阿鄰

高崧字茂琰廣陵人父悝光祿大夫崧少好學善史傳累遷吏部郎侍中以公

累免官中興書

謝萬作豫州都督新拜當西之都邑相

送累日謝疲頓於是高侍中往徑就謝

坐因問卿今仗節方州當疆理西蕃何

以為政謝麤道其意高便為謝道形勢

作數百語謝遂起坐高去後謝追曰阿

鄰故麤有才具阿鄰崧小字也世說新

語

阿練

瑯琊王珉其妻無子祈觀世音乞見珉

後路行逢一胡僧意悅之僧曰我死當
爲君子少時道人果亡而珉妻孕及生
聰明有器度卽晉尚書王洪明身也故
小名阿練叙前生事有驗

辨正論

道覆

晉新埜庾紹之小字道覆湘東太守與
南陽宗協中表昆弟紹元興末病亡義
熙中忽見形詣協形貌衣服具如平生

協問鬼神之事言輒漫略不甚諧對唯
云宜勤精進不可殺生若不能都斷可
勿宰牛食肉之時勿啗物心心者藏神
之宅也其鼻尤重具問親戚因談世事
末復求酒有頃協見邃之來紹聞屐聲
極有懼色謂協曰生氣見陵不復得住

冥祥記

車子

有周槃者家貧天帝問司命曰此可富乎司命曰命當貧有車子財可借之期曰車子生急還之後稍富利夫婦輦其財以逃因寄宿車下夜生子名車子從是貧困

搜神記

按此見韻府羣玉云出搜神記及批近本竟不見此今升集二十卷叙云聞見難一若使采訪苟錯願與先賢分其譏

謗今存者僅僅八卷不類董狐之筆矣

阿鼠

晉中興後譙郡周子文家在晉陵少時喜射獵常入山忽山岫間有一人長五六丈手提弓箭

箭鏑頭廣二尺許白如

霜雪忽出聲喚曰阿鼠

子文不覺

應曰喏此人便牽弓滿鏑向子文子文

便失覓厭伏

搜神後記

宋

彌

向靖字奉仁小字彌河內山陽人也名
與武帝祖諱同故以小字行與武帝有
舊以佐命功對曲江縣侯位太子左衛
率加散騎常侍卒於官

南史列傳

金剛

玄人周子良字元無茅山陶隱居之弟

子也本豫州汝南郡汝南縣都鄉吉遷
里人寓居丹陽建康西鄉清化里世為
胄族江左有聞晚葉彫流淪胥以瘁祖
文朗舉秀才宋江夏王國左常侍所生
父耀宗小名金剛

周氏冥通記

赤豆

俞僧夏兒小名赤豆年五歲多災厄誓
寄道士夏月裸身出戲

周氏冥通記

奴子

瑯琊王騁之妻陳郡謝氏生一男小字
奴子經年後王以婦婢招利爲妾謝元
嘉八年病終王之墓在會稽假瘞建康
東岡旣窆反虞輿靈入屋憑几忽於空
中擲地便有瞑聲曰何不作挽歌令我
寂寂上道邪騁之云非爲永塋故不具
儀耳

劉敬叔異苑

齊

阿戎

王思遠晏之從弟高宗廢立之際思遠
謂晏曰兄荷世祖厚恩今一旦贊人如
此事彼或可以權計相須未知兄將來
何以自立若及此引決猶可不失後名
晏不納及拜驃騎集會子弟謂思遠兄
思微曰隆昌之末阿戎勸吾自裁若從

其語豈有今日思遠遽應曰如阿戎所見猶未晚也及晏賤故得無他思遠清修立身簡潔衣服牀筵窮治素淨賓客來通輒使人先密覘視衣服垢穢方便不葺形儀新楚乃與促邾雖然既去之後猶令二人交帚拂其坐處

南齊列傳

崑崙

王琨華從父弟也父憚不辨菽麥嘗以

爲殷道矜之流人無肯與婚家以獾婢恭心侍之遂生琨初名崑崙憚後娶南

陽樂玄女無子故卽以琨爲名立以爲

嗣

南史列傳

遺奴

徐孝嗣字始昌父被害孝嗣在孕母年少欲更行不願有子自牀投地者無筭又以擣衣杵舂其腰并服墮胎藥胎更

堅及生故小字遺奴幼而挺立八歲襲爵枝江縣公見宋孝武升階流涕迄于就席帝甚愛之尚康樂公主拜駙馬都尉昇明中為齊高帝參軍歷吏部尚書太子左衛率對枝江縣公及東昏失德將謀廢立事泄賜藥死

南史本傳

稱

劉瓛字子珪沛郡相人晉丹陽尹惔六

世孫也瓛有至性祖母病疽經年手持膏藥漬指為爛母孔氏甚嚴明謂親戚曰阿稱傻是今世曾子稱瓛小名也謚貞簡先生

南史本傳

梁

春

劉孝綽字諒字求信小名春少好學有文才尤悉晉代故事時人號曰皮裏晉

書位中書宣城王記室為湘東王所善
王嘗游江濱歎秋望之美諒對曰今日
可謂帝子降於北渚王有目疾以為刺
已應曰卿言目眇眇以愁予邪南史列傳

申子

柳仲禮小字申子故庾信哀江南賦云
申子奮發勇氣咆勃實總元戎身先士
卒胄落魚門兵填馬窟屢犯通中頻遭

刮骨切紫天枉身名埋沒

柳於青塘一戰遭重創至

於城陷不時復戰

陸龜蒙小名錄

羅見

司馬暠字文昇河內溫人也父子產岳
陽太守即梁帝之外兄也暠幼有至
性季十二丁內艱水漿不入口殆經一
旬每至號慟必致悶絕服闋以姻戚子
弟預入問訊梁武帝見暠羸瘦歎息良

久謂其父子產曰昨見羅見面顏顛顛
使人惻然便是不墜家風爲有子矣羅
兒卽暘小字也承聖中除太子庶子江
陵陷隨例入關而梁室屠戮太子瘞殯
失所暘以宮臣乃抗表周朝求還江陵
改葬辭甚酸切周朝優詔荅曰管主父
從戮孔車有長者之風彭越就誅欒布
得陪臣之禮庶子鄉國已改猶懷送往

之情始驗忠貞方知臣道

南史孝行傳

狗子

侯景左足上有肉瘤狀似龜戰應尅捷
痛則隱起分明如不勝瘤則低至日痛
隱陷肉中天監中沙門釋寶誌曰掘尾
狗子自發狂當死未死嚙人傷須臾之
間自滅亾起自汝陰死三湘又曰山家
小兒果攘臂太極殿前作虎視狗子景

小字山家小兒猴狀景遂覆陷都邑毒
害皇家起自懸瓠卽晉之汝南巴陵有
地名三湘景奔賊處其言皆驗景嘗謂
人曰侯字人邊作主下作人此明是人
主也臺城旣陷武帝嘗語人曰侯景必
得爲帝但不久耳破侯景字成小人百
日天子爲帝當得百日案景以辛未年
十一月十九日篡位壬申年三月十九

日敗得一百二十日而景以三月一日
便往姑熟計在宮殿足滿十旬其言竟

驗

南史列傳

小字錄補卷二終

小字錄補卷之三

吳淞 沈弘正 緝

十六國

前涼

螽斯

張祚字太伯小字螽斯駿之庶長子也

立三年而亾天錫即位追謚威王

十六

國春秋

後涼

胡奴

呂光卒子紹襲位數日光庶子纂殺紹自立稱元咸寧咸寧二年有猪生子一身三頭龍出東廂井中到殿前蟠臥比旦失之纂以爲美瑞號大殿爲龍翔殿俄而有黑龍升於當陽九宮門號爲龍興門鳩摩羅什奏曰比日潛龍出遊豕

妖表異龍者陰類出入有時而今屢見則爲災生必有下人謀上之變宜尅已脩德以答天戒纂不納與什博戲殺棋曰斫胡奴頭什曰不能斫胡奴頭胡奴將斫人頭此言有旨而纂終不悟光弟保有子名超超小字胡奴後果殺纂斬首立其兄隆爲主時人方驗什之言也

神僧傳

白瓜

涼天冰太守史稷暴疾而死五旬乃蘇云見涼光殿中皆生白瓜至秦使梁熙

至熙小字白瓜

陸龜蒙小字錄

西涼

桐椎

涼後主諱歆字士業父玄盛薨為涼公領涼州牧伐沮渠為蒙遜所殺士業之

未敗也有大蛇從南門而入至於恭德

殿前有雙雉飛出宮內通街大樹上有

烏鷓爭巢為烏所殺又有燉煌父老令

狐熾夢白頭公衣帽而謂熾曰南風動

吹長木胡桐椎不中轂言訖忽然不見

士業小字桐椎至是而亾

晉列傳

後趙

匄勒

圖羯胡石勒字世龍小字匍勒其先匈奴
 別部分散居於上黨武鄉羯室因號羯
 胡祖邪奕于父周曷朱六字乞翼加並
 為部落小帥周曷朱性凶麤不為羣胡
 所附勒壯健有膽略好騎射周曷朱每
 使代已督攝部胡部胡愛信之并州刺
 史司馬騰執諸胡於山東賣充軍實兩
 胡一枷勒亦在中至平原賣與師氏為

奴師家隣於馬牧勒與牧帥汲桑往來
 相托成都王穎之廢也穎故將陽平人
 公師藩等自稱將軍起兵趙魏眾至數
 萬勒與汲桑率牧人乘苑馬數百騎以
 赴之於是桑始命勒以石為姓以勒為

名 魏書本傳

阿鐵 其姓其不熱并宜其今日

石邃字大淵小字阿鐵虎之長子虎每

顧左右曰司馬家父子兄弟自相殘滅
故使朕得至此若其不然吾豈有今日
如朕當有殺阿鐵理否嘗奏事忤旨虎
笞責之遂甚愠恨將圖篡逆佛圖澄歎
曰太子作亂其形將成欲言難言欲恐
難恐乃因事從容箴虎虎不能解未幾
事發其言始悟十六國春秋

直獫

屈子之第五子定小字直獫兄昌敗定
奔於平涼自稱尊號改年勝光神麈四
年伏誅魏書鐵弗傳

前燕單于昌黎公愨東公

奔洛瓌單于昌黎公愨東公

前燕慕容廆小字奔洛瓌昌黎鮮卑人

其先有熊氏之苗裔世居北夷號曰東

胡後爲匈奴所敗分保鮮卑山因以爲號以慕容爲氏又居遼西廐父涉歸爲鮮卑單于遷邑于遼東廐繼立自稱鮮卑大單于晉元帝對昌黎公遼東公據鄴都始西晉太安二年終東晉太和五年苻秦苻堅滅之帝王姓系譜按晉載記元魏書十六國春秋俱作慕容廐字弈洛瓌獨姓系譜作小名

萬年

慕容皝字元真小字萬年廐第二子單于妃段氏所生也咸和八年廐卒皝嗣遼東公位世子儁僭僞號追謚文明皇帝廟號太祖十六國春秋

千年

慕容仁字元愷小字千年廐之少子皝同母弟也有勇略屢立戰功深得士心

為征虜將軍鎮平郭後以遼東叛賜死

十六國春秋

賀賴跋

慕容儁字宣英小字賀賴跋

子也母段氏十三月而生有神光之異

初廐常言吾積德累仁子孫當有中原

既而生儁廐曰此兒骨相不凡吾家得

之矣

十六國春秋

後燕

阿六敦

慕容垂字叔仁

一作道明

小字阿六敦

五子母蘭淑儀所生也垂少岐嶷有器

量豁達大度身長七尺四寸手垂過鄰

眈甚寵愛常目而謂諸弟曰此兒闊達

好奇終能被人家或能成人家故名之

曰霸字道業將以為世子羣臣諫而止

在位十三年偽諡成武皇帝廟號世祖

十六國春秋

庫勾

慕容寶字道祐小字庫勾垂之第四子

也晉太元二十一年嗣即偽位為蘭汗

所殺十六國春秋

長生

慕容熙字道文小字長生垂之少子也

年號光始後為高雲所滅十六國春秋

北燕十六國春秋

乞直伐十六國春秋

馮跋字文起長樂信都人小字乞直伐

一作其先畢萬之後也永嘉之亂跋祖

父和避地上黨父安慕容永嘗為征東

將軍永滅安東徙家于長谷初跋弟素

弗與從兄萬泥及諸少年游于水濱有

一金龍浮水而下素弗謂萬泥曰頗有
 見否萬泥等皆曰無所見也乃取龍而
 示之咸以為非常之瑞慕容熙聞而求
 焉素弗祕之熙怒及即僞位密欲誅跋
 兄弟跋遂與萬泥等二十二人結謀跋
 與二弟乘車使婦人御潛入龍城匿于
 北部司馬孫護之室因而共殺熙立高
 雲為主雲為忝臣離班桃仁所殺衆推

跋為主以太元二十年僭稱天王於昌
 黎十六國春秋

前秦帝之報蘇大秦天王十六國春秋

阿灑置於限室神之德因以封號聖聖八

符灑字永則小字阿灑雄庶長子也為
 生後將軍對清河王生殘虐滋甚宗室
 勲舊殺害略盡一夕對侍婢曰阿灑兄
 弟亦不可信明當除之是夜灑夢神告

之曰旦將禍及汝門惟先覺者可以免
之寤而心悸會侍婢來告乃與特進梁
平老強汪等帥壯士數百潛入雲龍門
堅與呂婆樓帥麾下數百鼓譟繼進引
生置於別室斬之灑固以位讓堅堅乃
去皇帝之號稱大秦天王

十六國春秋

後秦

十六國春秋

黃兒字以天二十五年晉滅天王公昌

姚邕字子和小字黃兒興之弟也對濟
南公弘始中興拜劉勃勃車騎將軍奉
車都尉常參軍事邕言於興曰勃勃天
性不仁難以親育陛下寵遇大甚臣竊
惑之興曰勃勃有濟世之才吾方收其
藝用與之共平天下未幾侵掠嶺北興
乃歎曰吾不用黃兒之言

十六國春秋

北朝

元魏

阿倪

常山王遵昭成子鳶鳩之子也天賜四
季坐醉亂失禮賜死葬以庶人禮子素
世祖初復襲爵謚曰康長子可悉陵卒
於中軍都將弟陪斤襲爵坐事國除陪
斤子昭小字阿倪尚書張彝引兼殿中
郎高祖將為齊郡王蘭舉哀而昭乃作

官懸高祖大怒詔曰阿倪愚騃誰引為
郎於是黜彝白衣守尚書昭遂停廢

魏

書列傳

盆子

魯郡王元肅弟曄字華興小字盆子性
輕躁有膂力莊帝初對長廣王尔朱榮
自死世隆等推曄為主年號建明尋為世
隆廢節閔立對為東海王孝武初被殺

北史南安王傳 為東武王等左麻姪

白歷 北史作白韜為主平燕表即魯為母

崔玄伯三子浩簡恬恬字叔玄小名白

歷給事中賜爵繹幕子出為上黨太守

平南將軍豫州刺史進爵陽武侯坐浩

狀誅始玄伯因符堅亂欲避地江南於

泰山為張願所獲本圖不遂乃作詩以

自傷而不行於時蓋懼旱也及浩誅中

書侍郎高允受勅收浩家始見此詩 魏

書本傳

社客寒奉牌前 昌中 燕谷 美鳥 燕

崔僧淵元妻房氏生二子伯麟伯驥後

皆薄房氏更納平原杜氏僧淵之徒也與

杜俱去生四子伯鳳祖龍祖螭祖虬得

還之後棄絕房氏遂與杜氏及四子家

於青州伯驥與母房氏居於冀州雖往

來父間而心存母氏孝慈之道頓阻一

門僧淵卒七十餘伯麟雖往奔赴不設

人家哭沙門寺祖麟小字社客崔玄伯傳

苟見長命人與平泉林又曾試之於世與

高瞻見弟徽字榮顯小字苟兒景明中

起家奉朝請延昌中破洛侯烏孫並因

之以獻名馬還拜遊擊將軍詔行河州

事為賊所害贈冀州刺史謚曰文宣魏

書高湖傳

男季

崔叡字哲小字男季冀州刺史崔頤第

五子

魏書崔暹傳

長命

谷闡字崇基小字長命濮陽公渾子襲

爵少侍東宮稍遷平南將軍相州刺史

入為外都大官謚曰簡公

魏書谷渾傳

藥囊

李脩基季弟暉字善祖小字藥囊少有

高名為中書侍郎從世祖征涼州戰沒

皆人咸惜焉

魏書李順傳

容郎

李士謙字子約小字容郎趙郡平棘人

李謐之子喪父事母以孝聞年十二魏

廣平王贊辟開府參軍事母歿捨宅為

伽藍脫身而出詣學請業研精不倦遂

博覽羣籍擢為國子祭酒固辭隋有天

下畢志不仕平生好施積三十年或謂

士謙子多陰德士謙曰夫言陰德其猶

耳鳴已獨知之人無知者今吾所作吾

子皆知何陰德之有開皇八年終趙州

士女莫不流淚曰我瞽不死令李參軍

死乎

北史李孝伯傳

榼

李秀林小名榼太和中自中書博士拜
司徒司馬加冠軍將軍卒贈左將軍齊
州刺史 李順傳

醜瓌

李秀林從弟煥字仲文小字醜瓌有幹
用少與酈道元俱為李彪所知除梁州
刺史卒贈征虜將軍幽州刺史 本傳

武疆

衍孫

李寶字懷素小字衍孫隴西狄道人私
署涼王暠之孫也父翻字士舉小字盍
疆私署驍騎將軍祁連酒泉晉昌三郡
太守寶沈雅有度量驍勇善撫接伯父
歆為沮渠蒙遜所滅寶徙於姑臧歲餘
隨明廣契北奔伊吾臣於蠕蠕其遺民

歸附者稍至二千寶傾身禮接甚得其
心衆皆樂爲用每希報靈屬世祖遣將
討沮渠無諱於敦煌無諱損城遁走寶
自伊吾南歸脩繕城府規復先業遣弟
懷達奉表歸誠世祖嘉其忠真君五年
因入朝遂畱京師拜外都大官轉鎮南
將軍

并刺史還除內都大官卒謚曰宣

本傳

提

李東弟挺字神儁小名提少以才學知
名孝靜初除驃騎大將軍華州刺史入
爲侍中風韻秀舉博學多聞凡所交遊
皆一時名士汲引後生爲其光價滎陽
鄭伯猷常云從明爲人物宗主在洛京
皆郎邪王誦亦美神儁故名其子曰儁
庶其似之梁武帝雅重其名常云彼若

遣李神儁來聘我當令劉孝綽往頸多
鼠乳而性通率不持檢度至於少年之
徒皆與褻狎比遷鄴於路見狗溫子昇
戲曰爲是宋鶴爲是韓盧神儁曰爲逐
丞相東走爲共帝女南徂沙苑之敗神
儁策眇馬而走曰丁掾力馬倒曰丁掾

誤我

北史序傳

大墨

李韶從弟元珍小名大墨起家奉朝請
太尉錄事參軍卒於步兵校尉

李寶傳

陽

房景遠字叔遐重然諾好施與頻歲凶
儉分贍宗親又於通衢以食餓者存濟
甚衆平原劉郁行經齊兗之境忽遇劫
賊已殺十餘人次至郁郁呼曰與君鄉
近何忍見殺賊曰若言鄉里親親是誰

郁曰齊州主簿房陽是我姨兄陽是景

遠小字賊曰我食其粥得活何得殺其

親遂還衣服蒙活者二十餘人

魏書房法膏傳

嘉屯

許彥字道謨小字嘉屯高陽新城人相

州刺史

魏書本傳

黑

盧崇弟仲義小名黑知名於世高陽王
雍司空行參軍員外散騎侍郎幽州別

駕

魏書盧玄傳

檀越

淳于

高允弟推字仲讓小名檀越早有名譽

太延中以奔後南使不稱妙簡行人游

雅薦推應選詔兼散騎常侍使劉義隆

南人稱其才辯遇疾卒於建業贈輔國將軍臨邑子謚曰恭允為之作誄推弟爕字季和小字淳于亦有文才世祖每詔徵辭疾不應恒譏笑允屈折久宦栖泊京邑常從容於家州辟主簿卒

魏書

高允傳

虎頭

陰周達子遵和小名虎頭好音律尚武

事初為高祖挽郎拜奉朝請後廣平王懷取為國常侍贈平南將軍涼州刺史

魏書陰仲達傳

次奴

高祐字子集小名次奴渤海人司空允從祖弟初拜中書學生轉博士侍郎以祐招下邵郡羣賊之功賜爵建康子高宗末兗州東郡吏獲一異獸獻之京師

時人咸無識者詔以問祐祐曰此是三
 吳所出厥名鮫鯉餘域率無今我獲之
 吳楚之地其有歸國者乎又有人於零
 丘得玉印一以獻詔以示祐祐曰印上
 有籀書二字文曰宋鸞壽者命也我獲
 其命亦是歸我之徵顯祖初劉義隆子
 義陽王昶來奔薛安都等以五州降埶
 皆謂祐言有驗

魏書本傳

黃頭

裴炯字休光小字黃頭東郡太守贈青

州刺史

魏書裴叔業傳

默蠡

李琰之字景珍小字默蠡隴西狄道人

司空韶之族弟卒贈驃騎大將軍司徒

公諡曰文簡

琰之恒閉門讀書不交人事嘗謂人曰

吾所以好讀書不求身後之名但異見
異聞心之所願是以孜孜搜討欲罷不
能豈為聲名勞七尺也

魏書本傳

翠螭

張偉字仲業小名翠螭太原中都人也

世祖時與高允等俱被辟命拜中書侍

郎卒贈并州刺史謚曰康

魏書本傳

隋羅

孫惠蔚字叔炳武邑武遂人也小字隋

羅太和初中書監高閭薦為中書博士

惠蔚與李彪以儒學相知及彪位至尚

書惠蔚仍太廟令高祖曾從容言曰道

固既登龍門而孫蔚猶沈涓澮朕常以

為負矣雖久滯小官深體通塞無孜孜

之望肅宗初除光祿大夫魏初以來儒

生寒宦惠蔚最為顯達先單名蔚正始

中侍講禁內夜論佛經有愜帝旨詔使
加惠號惠蔚灑師焉

魏書本傳

靈寶

徐踐字景升小名靈寶光祿大夫審子

仕至建興太守

魏書徐審傳

公奴

王慶小名公奴涇州刺史德子公奴性
謹厚位開府儀同三司初德喪父貧無

以葬乃賣公奴并一女以營葬事因遭
兵亂不復相知及德在平涼始得之遂

名曰慶

北史本傳

鼠

氏武興王文度遣使歸順顯祖授文度
武興鎮將既而復叛高祖初征西將軍
皮歡喜攻葭蘆破之斬文度首文度弟
弘小名鼠犯顯祖廟諱以小名稱鼠自

爲武興王遣使奉表謝舉貢其方物高祖納之鼠遣子苟奴入侍拜鼠武都王

魏書本傳

北齊

道人

北齊廢帝小名道人初文宣命邢邵制帝名殷字正道帝從而尤之曰殷家弟及正字一止吾身後兒不得也邵懼請

改焉文宣不許曰天也因謂孝昭帝曰

奪但奪慎弗殺也

北齊本紀

阿伽

陽州公永樂神武從祖兄子也卒謚武昭無子從兄恩以第二子孝緒爲後襲爵天保初改對脩城郡王永樂弟長弼小名阿伽性麤武出入城市好毆擊行路時人皆呼爲阿伽郎君以宗室對廣

武王

北齊本傳

步落稽

文宣末年多酒永安王浚切諫上怒馳驛收至盛以鐵籠與上黨王渙俱寘北城地牢下飲食溲穢共在一所明年帝親將左右臨穴歌謳令浚和之浚等惶怖且悲不覺聲戰帝爲愴然因泣將赦之長廣王湛先與浚不睦進曰猛獸安

可出穴帝嘿然浚等聞之呼長廣小字

曰步落稽皇天見汝

北齊本傳

輔國

杜弼字輔玄中山曲陽人也小字輔國弼從高祖破西魏於邙山命爲露布弼手卽書絹曾不起艸以功賜麝散騎常侍中軍將軍奉使詣闕魏帝見之於九龍殿曰聞卿精學聊有所問經中佛性

灑性爲一爲異彌對曰佛性灑性止是
 一理詔又問曰佛性旣非灑性何得爲
 一對曰性無不在故不說二詔又問曰
 說者皆言灑性寬佛性狹寬狹旣別非
 二如何彌又對曰在寬成寬在狹成狹
 若論性體非寬非狹詔問曰旣言成寬
 成狹何得非寬非狹若定是狹亦不能
 成寬對曰以非寬狹故能成寬狹寬狹

所成雖異能成恒一上悅稱善乃引入

經書庫賜地持經一部帛一百匹

北齊

本傳

師子

李禮之弟行之字義通小字師子簡靜
 善守門業兄弟深相友愛仕齊歷位都
 水使者齊郡太守仕周爲冬官府司寺
 下大夫隋開皇初對固始縣男除唐州

下澁郡太守稱疾不行卒行之風素夷坦爲士友所稱其甥子盧思道深所愛好常贈詩云水衡稱逸人潘楊有世親形骸預冠蓋心思出囂塵時人以爲實錄及疾內外多爲求醫行之曰居常待終士之道也貧旣愈富何知死不如生一皆抑絕臨終命家人薄葬口授墓誌以紀其誌曰隴西李行之以某年某月

終於某所年將六紀官歷四朝道叶希夷事忘可否雖碩德高風有傾先構而立心行已無愧夙心以爲氣變則生生化曰死蓋生者物之用死者人之終有何憂喜於其間哉乃爲銘曰人生若寄視死如歸茫茫大夜何是何非

北史李

吉

邢邵字子才河間鄴人魏太常貞之後

父虬魏光祿卿小字吉少時有避遂不行名邵與溫子昇為文士之冠世論謂之溫邢鉅鹿魏收雖天才艷發而年事在二人之後故子昇死後方稱邢魏焉脫略簡易不修威儀車服器用充事而已有齋不居坐臥恒在一小屋果餌之屬或置之梁上賓至下而共噉有書甚多而不甚讐校見人校書常笑曰何愚

之甚天下書至死讀不可遍焉能始復按此且誤書思之夏是一適妻弟李季節才學之士謂子才曰世間人多不聰明思誤書何由能得子才曰若思不能得優不勞讀書

北齊本傳

安都

鄭翻字靈雀晉陽人父紹元小字安都仕齊位太尉諮議趙郡太守翻少有器

量涉學好文章齊武平末位司徒記室
 參軍尋遇齊亡歷周隋遂不仕隱居榮
 陽三窟山傲誕不自羈束或有所之造
 乘驢衣韉破弊而往遠近欽其高名皆
 謂有異狀觀者如堵及見其形乃甚短
 陋不副所聞然風神俊發無賚賤並敬
 服之納言楊素聞其名因使過榮陽迎
 與相見言談彌日深加禮重及歸言之

朝廷累徵不至終于家

後周

陀羅尼

後周閔帝姓宇文名覺小字陀羅尼代
 郡壺州人西魏丞相宇文泰第三子篡
 西魏自立一年不改元為宇文護所弒

帝王姓系譜

按周書北史均作字以意求之殆是小

名陀羅尼而後名覺耳如宇文護小名薩保也若作小名則因陀羅尼而改覺因薩保而改護漸歸雅馴合于釋旨若作表字雖三字為灑者亦間有之然不典矣

統萬突

周明帝姓宇文氏名毓小字統萬突代郡武州人也文帝長子 大統中對寧

都郡公閔帝受禪轉岐州刺史及閔廢晉公護迎立初二年不稱號後改武成

在位四年

北史本紀

彌羅突

後周武帝名邕小字彌羅突宇文泰第四子誅宇文護在位十八年

帝王姓系譜

按周書彌羅突武帝字也

薩保

周宇文護與母閻書曰受形稟氣皆知
母子誰知薩保如此不孝此乃對母自

稱小名 老學庵筆記

閣提

鄭偉字子直滎陽開對人也小名閣提
仕至宜州刺史謚曰肅偉性喫少嘗嘗
逐鹿於野失之遇牧豎而問焉牧豎答
之其言亦喫偉怒謂其効已遂射殺之

周書本傳

那

李昶頓丘臨黃人也小名那祖彪名重
魏朝為御史中尉父遊亦有才行為當
世所稱遊兄志為南荊州刺史遊隨從
至州屬尔朱之亂與志俱奔江左昶於
太祖世已當樞要兵馬處分專以委之
詔冊文筆皆昶所作也及晉公護執政

委任如舊。昶常曰：文章之事，不足流於後世。經邦致治，庶及古人。故所作文筆，了無稟草。又以父在江南，身寓關右，自少及終，不飲酒聽樂。周書本傳

伯

盧光字景仁，小字伯范，陽公辯之弟也。賀蘭祥討吐谷渾，以光爲長史，進爵燕郡公。高祖少時嘗受業於光，故贈賻有

加恒典贈少傅，諡曰簡光。性崇佛道，至誠信敬。嘗從太祖狩於檀臺山，時獵圍既合，太祖遙指山上，謂羣公等曰：公等有所見不咸，曰無所見。光獨曰：見一桑門。太祖曰：是也。卽解圍而還，令光於桑門立處造浮圖，掘基一丈，得瓦鉢錫杖各一。太祖稱歎，因立寺焉。周書本傳

後梁

嗣兒

許孝敬吳人小名嗣兒勁勇過人爲營
驍將以大將軍守河東旣無救援爲吳
明徹所擒遂戮於建康市贈車騎大將

軍

周書蕭譽傳

隋

藏

蕭琮至煬帝嗣位改對梁公諸蕭昆弟

布列朝廷琮性澹雅不以職務自嬰退
朝縱酒而已帝令內史楊約宣旨誠勵
約復以私情諭之琮曰琮若復事事則
何異公哉琮雖羈旅見北間豪貴無所
降下嘗與賀若弼深相友善弼旣誅復
有童謠曰蕭蕭亦復起帝由是忌之遂
廢於家卒贈左光祿大夫復以琮弟子
鉅爲梁公鉅小名曰藏煬帝甚昵之以

爲千牛與宇文鼎出入宮掖伺察內外
帝每遊宴鉅未嘗不從遂於宮中多行
淫穢江都之變爲宇文化及所殺

隋書
列傳

小字錄補卷之三

終

小字錄補卷之四

吳淞 沈弘正 緝

唐

五娘子

李君羨洛州武安人初事李密後歸高
祖授輕車都尉秦王引置左右從破宋
金剛於介休加驃騎將軍從討王世充
爲馬軍副總管從破竇建德劉黑闥累

授左衛府中郎將突厥至渭橋君羨與尉遲敬德擊破之太宗曰使皆如君羨者虜何足憂改左武侯中郎將對武連縣公北門長歷蘭州都督左監門衛將軍貞觀初太白晝見占曰女主昌當有女武王者會內宴爲酒令各言小字君羨自陳曰五娘子帝愕然因笑曰何物女子乃此健邪又君羨官邑屬縣皆武

也忌之未幾出爲華州刺史會御史劾奏君羨與狂人爲妖言謀不軌下詔誅之天授中家屬詣闕訴寃武后亦欲自詫詔復其官爵以禮改葬

新唐書本傳

苾挈

周垂拱已來京都唱苾挈兒詞皆是邪曲後張易之小名苾挈

朝野僉載

漢子

崔明達小字漢子清河東武城人祖元
獎吏部侍郎父庭玉金吾將軍明達幼
於西京太平寺出家通涅槃經爲桑門
之魁柄開元初齋後房中晝寢及寤身
在簷外見二牛頭卒持死人於房外灸
之臭氣衝塞問其所以卒云正欲相召
明達曰第無令臭不憚行卒乃於頭中
拔出其竟旣而引出城中俄失二卒有

赤索係片骨引行數里骨復不見明達
惆悵獨至一城默然而過又至一城須
臾內傳王教召明達師隨入大廳見貴
彩少年在階下合掌曰冥中深要陽地
功德聞上人通涅槃經故使奉迎開題
延壽又見塔座在西廊下王指令明達
上座仍于塔下設席王跪明達說一行
王云得矣令左右送還旣出忽途中見

車騎載千人乃是其祖元獎元獎見明
達不悅明達大言云已是漢子阿翁寧
不識邪元獎見至廳初問藍田莊次問
庭玉明達具以實對元獎云吾自沒後
有職務未嘗得還家存亾未之知也乃
令二吏送明達詣判官令兩人送還家
明達不識其屍但見大坑吏推明達于

坑遂活

廣異記

哥奴

李林甫高祖從父弟長平王叔良之孫
初爲千牛直長遷太子中允昔源乾曜
爲侍中曜之男絜白其父曰李林甫求
爲司門郎中乾曜曰郎官須有素行才
望高者哥奴豈是郎官邪數日除諭德
哥奴林甫小字

舊唐書本傳

海子

小字金補卷四 四
暢閣
崔液字潤甫湜之弟小字海子

湜早有才名弟液滌及從兄洎並有文翰居清要每宴私之際自比東晉王導謝安之家液尤工五言之作湜常歎伏之曰海子我家之龜也海子卽液小名官至殿中侍御史

舊唐書本傳

阿浩

潼關有哥舒翰之師祿山大懼田乾真

曉諭祿山曰自古帝王皆有勝敗豈有一舉而得之者乎今四邊兵馬雖多皆非精銳豈我之比縱事不成收取數萬衆橫行天下爲一盜跖亦十年五歲矣尚莊等皆佐命元勳何得隔絕不與相見令其憂懼只此數人豈不能爲患乎祿山喜曰阿浩非汝誰能開豁我心裏事遂召尚等飲宴祿山自唱歌以送酒

阿浩乾真小字也慶緒至相州僞授侍

中

舊唐書

洪見

姜澄十歲時父苦無紙澄乃燒糠爨竹

為紙以供父澄小字洪見鄉人號洪見

紙

童子通神錄

順

李泌字長源趙郡中山人也父承休唐

吳房令休娶汝南周氏初周氏尚幼有

異僧僧伽泗上來見而奇之且曰此女

後當歸李氏而生三子其最小者慎勿

以紫衣衣之當起家金紫為帝王師及

周氏既妊泌凡三周年方寤而生泌生

而髮至于眉先是周每產必累日困憊

唯媿泌獨無恙由是小字為順

鄴侯外

傳

武侯

劍南節度使韋臯既生一月其家召羣僧會食有一胡僧貌甚陋既食韋氏命乳母出嬰兒請羣僧祝其壽胡僧忽謂嬰兒曰別久無恙乎嬰兒若有喜色衆皆異之胡僧曰此子乃諸葛武侯之後身耳吾往歲在劍門與此子友善今聞降於韋氏吾故不遠而來韋氏因以武

侯字之

室志

沙哥

楊汝士出鎮東川白樂天是尚書妹婿代內作詩賀兄嫂曰劉綱與婦共登仙弄玉隨夫亦上天何似沙哥汝士小字領崔嫂碧油幢引向東川

驥子

杜甫幼子宗武小名驥子

本集王洙注

道保

元稹五十八歲方生子名道保

事文類聚

阿崔

白居易五十八歲方得子名阿崔

事文類聚

阿怜

白行簡字知退小字阿怜

包衡唐人姓氏考

金剛奴

白氏下場曰幼美小字金剛奴七歲誦

詩賦八歲能讀書鼓琴九歲不牽遇疾

天徐州符離縣私第貞元八年九月權

窆于縣南原元和九年春二月二十五

日改葬于華州下邽縣義津鄉北岡祔

于先府君宅兆之東三十步其兄居易

行簡藹然已孤撫哀臨穴斷手足之痛

其心如初且誌于墓曰嗚呼剛

奴痛矣哉念爾九

冠闕骨

長夜臺二十年後復一開管墓符離今
下邳竟兮竟兮隨骨來

白氏長慶集

阿新

白樂天無子以侄孫阿新爲之後啟手
足之夕語其妻與侄曰吾之奔也膏過
七十官至二品有名於世無益於人褒
優之禮宜自貶損我歿當斂以衣一襲
送以車一乘無用鹵薄墓無以血食祭

無請太常謚無建神道碑但於墓前立
一石刻吾醉吟先生傳一本可矣

白氏

長慶集

董二

高定貞公郢之子幼聰警絕倫年七歲
時讀尚書湯誓問郢曰奈何以臣伐君
郢曰應天順人不爲非道又問曰用命
賞於祖不用命戮于社是順人乎父不

能對位至京兆參軍小字董二人以幼
慧多以字稱之

舊唐書本傳

起之

柳公綽字寬京兆華原人始生三日伯
父子華曰與吾門者此兒也因小字起
之仕至兵部尚書卒贈太子太保諡曰

元公

新唐書本傳

奮郎

柳元公諱張尚書正甫元公之子仲郢

嘗遇張於途去蓋下馬而拜張止之不

獲他日張言於元公曰奮郎

則小僕射
之小字也

相逢其謙太過元公作色不應久之張

起去元公謂客曰張正甫與公綽往還

欲使見於街中騎馬衝公綽耶

因話錄

符

韓昶小字符退之子幼讀書城南長慶

中第進士為集賢校理弟滂聰悟奇偉
從愈之潮之袁而卒

已已

韓退之作薛公達墓志集本云以公儀
之子為我後石本作以公儀之子已已
後我趙德夫謂已已蓋其小字

野客叢

談

禮闈

憲臺

甄濟為著作佐郎兼侍御史生子因其
官字曰禮闈曰憲臺而禮闈死憲臺夏
名逢常以父名不得在國史欲詣京師
自言元和中袁滋表濟節行與權臯同
科宜載國史有詔贈濟祕書少監逢與
元稹善稹移書于史館脩撰韓愈曰濟
弃去祿山及其反有名號又逼致之執

不起卒不汗其名夫天下大亂死忠者
 不必顯從憂者不必誅而甄生者不以
 不必顯而廢忠不以不必誅而從憂在
 古與今蓋百一焉愈答曰逢能行身委
 于方州大臣以標目其先人事載之天
 下耳目徹之天子追齋其父第四品赫
 然驚人逢與其父俱當得書矣

唐書列傳

冬瓜

張祐字承吉小名冬瓜或以譏之答云

冬瓜合出瓠子則張固名祐刻本大半

作祐緣承吉字祐祐俱通耳

胡應麟詩藪

桂苑叢談曰張祐以詩上牢盆使出其

子授潛渠小職得堰俗號冬瓜

張二子一椿兒

一桂人或戲之曰賢郎不宜作等職張

曰冬瓜合出祐子戲者相與大哂

按冬瓜詩藪謂之小名叢談以為堰號

元瑞藏書五萬餘卷喜究六合之事惜
不拈出授職漕渠一段明案也

椿兒

桂兒

椅兒

杞兒

張祐唐書無傳有文集十卷不著本末
其麤見於松陵集顏萱序中曰過祐丹

陽故君已易他主祐有四男一女曰椿
兒桂兒椅兒杞兒三已物故惟杞爲遺

孕與女尚存故姬崔氏霜鬢黃冠杖策
迎門與之話舊歷然可聽琴書圖籍今
屬他人橫塘之西有田數百畝力旣貧
窶十年不耕歲賦萬錢求免無所陸龜
蒙亦序曰祐元和中作宮體小詩辭曲
艷發及老大稍窺建安風格或薦之天

子書奏不下受辟於諸侯府性狷介不容物輒自劾去居曲阿性嗜水石悉力致之不蓄善田利產爲身後計死未二十四年而故姬遺孕凍餒不暇祐嘗有詩曰椿兒遶樹春園裏桂子尋花夜月中又詩曰一身扶杖二兒隨桂花叢談惟知祐有此二子不知又有所謂椅兒杞兒者併表而出之

野客叢談

唐見

唐兒歌

杜幽公之子

頭玉硤硤睂刷翠

杜郎生得真男子骨重神寒天廟器一雙瞳人翦龜水竹馬梢梢搖綠尾銀鸞
睽光踏半臂東家嬌孃求對值濃笑畫空作唐字眼大心雄知所以莫忘作歌

人姓李

李長吉集

按唐書杜黃裳對幽公卒後數年御史

劾奏黃裳納高崇文四萬五千緡黃裳
 子載辭服帝念舊功原載不問此所謂
 唐見者邪抑載尚有兄弟邪杜琮亦對
 豳公然在宣宗後是豈長吉死久矣
 臺郎

李德裕字文饒吉甫子累官門下侍郎

對衛國公

李太尉德裕左降至朱崖著四十九論

叙平生所志嘗遺段少常成式書曰自
 到崖州委且頑徒居人多養雞往往飛
 入官舍今且作祝雞翁爾謹狀吉甫相
 典忠州泝流之任行次秭歸地名雲臺
 在江中掌武誕於此處小名臺郎以其
 地而命名也 北夢瑣言

三趙

李德裕拜太尉進對趙國公固讓言唐

興太尉惟七人。尚父子儀。乃不敢拜。近王智興李載義皆超拜。保傅蓋重。惜此官。裴度爲司徒十年。亦不遷。臣願守舊秩足矣。帝曰。吾恨無官酬公。母固辭。德裕又陳先臣對於趙。冢孫寬中始生。字曰三趙。意將傳嫡。不及支庶。臣竝益對。已改中山。臣先世皆嘗居汲。願得對衛從之。遂改衛國公。唐書本傳

抱孫

盧仝寄男抱孫 別來三得書。書道違離久。書處甚羸殺。且喜見汝手。殷十七又報汝文。頗新有別來。纔經年。囊盎未合斗。當是汝母賢。日夕加訓誘。尚書當畢功。禮記速須剖。嘍囉見讀書。何異摧枯朽。尋義低作聲。便可養年耆。莫學村學生。麤氣強叫吼。下學偷功夫。新宅鋤

藜莠乘涼勸奴婢園裏耨葱韭遠籬編
榆棘近眼栽桃柳引水灌竹中蒲池種
蓮藕撈漉蛙螭腳莫遣生科斗竹林吾
最惜新筍好看守萬籜苞龍兒攢迸溢
林藪吾眼恨不見心腸痛如搗宅錢都
未還債利日日厚籜龍正稱冤莫殺入
汝口丁寧囑託汝汝活籜龍不殷十七
老儒是汝父師友傳讀有疑悞輒告諮

問取兩手莫破拳一吻莫飲酒莫學捕
鳩鴿莫學打雞狗小豷無大傷習性防
已後頑發苦惱人汝母必不受任汝惱
弟妹任汝惱姨甥姨甥非吾親弟妹多
老醜莫惱添丁郎淚子作面垢莫引添
丁郎赫赤日裏走添丁郎小小別吾來
目久久脯脯不得喫兄兄莫撚搜他日吾
歸來家人若彈紉一百放一下打汝九

十九

盧仝集

自列

崔少玄者唐汾州刺史崔恭之小女也其母夢神人綃衣駕紅龍持紫函授於碧雲之際乃孕十四月而生少玄既生而異香襲人端麗殊絕紺髮覆目耳瑤及頤右手有文曰盧自列妻後十八年歸于盧陞陞小字自列

虞初志

七七

殷七七名天祥又名道筌嘗自稱七七人久見之不測其年嘗於官寮飲酒取栗散官妓皆聞異香惟笑七七者栗綴於鼻不可脫但聞臭氣共起狂舞粉黛狼籍凡諸術不可勝紀酌水爲酒削木爲脯使人退行指船卽駐呼鳥自墜唾灸卽活撮土畫地狀山川形勢折茅聚

蟻變成城市人有曾經行處見之歷歷皆似劉浩軍變之時甘露寺爲衆推落北崖謂墜江死矣其後人見在江西十餘年賣藥入蜀莫知所之

續仙傳

白老

白樂天晚極喜李義山詩文嘗謂我死得爲爾子足矣義山生子遂以白老字之旣長略無文性溫庭筠嘗戲之云以

爾爲樂天後身不亦忝乎

茗谿漁話

宜哥

劉瞻

音潛

小字宜哥唐宰相瞻之兄也瞻

家貧好道初與瞻俱讀書爲文嘗謂瞻曰鄙必不第則逸於山野爾得第則勞於塵俗竟不及於鄙也然慎於富貴四十年後當驗矣瞻曰神仙遐遠難求秦皇漢武非不區區也廊廟咫尺易致馬

周張嘉貞可以繼踵矣自後瞻隱羅浮
 瞻進士登科歷清顯昇輔相俄謫日南
 行次廣州忽有丫角布衣少年衝暴雨
 而來衣履不濕但言宜哥來也曰與余
 為兄弟手足所痛曩日之言今四十年
 矣瞻亦感嘆曰可復脩之否瞻曰身邀
 榮寵職和陰陽用心動靜能無損乎自
 非茅家阿兄已昇天仙詎能救爾今唯

來相別非來相救也於是同舟行別一
 夕失瞻所在

續仙傳

阿初

唐劉瞻相公有清德大名與弟阿初皆
 得道已入僊傳先婚李氏生一子即劉
 贊也相國薨後贊且孤幼性甚懵鈍教
 其讀書終不記憶其甥即李殷衡侍郎
 也以劉氏之門不可無後常加楚筮終

不長進李夫人慈念不忍苦之歎其宿分也一旦不告他適無以訪尋聖善憶念淚如縷縻莫審其存亡數年方歸子母團聚且曰因入嵩山遇一白衣叟謂曰與汝開心將來必保聰明自是日誦一卷兼有文藻擢進士第梁時登朝充崇政院學士預皆俊之流

北夢瑣言

通郎

王凝侍郎案察長沙日有新授柳州刺史王某者不知何許人將赴所任抵于湘川謁凝凝召預宴于賓佐王啟凝云某是侍郎諸從子姪合受拜凝問云既是吾族小名何也答曰名通郎凝召郎君詰曰家籍中有通郎者乎其子沈思少頃乃曰有之合是兄矣凝始命邀王君則受以從姪之禮因從容問前任何

官答曰昨罷職北海鹽院旋有此擬凝
聞之不悅復召其子謂曰適來王君資
歷頗雜的非吾之枝葉也遽徵屬籍尋
其派乃有通郎已于某年某日物化矣
凝覩之怒翊日備饌招之王君望凝欲
屈鄰忽被二壯士挾而扶之鞠躬不得
凝前語曰使君非吾宗也昨誤受君之
拜今謹奉還遂拜之如其數訖二壯士

退復謂之曰當今清平之代此後不可
夏憂入人家也王蹶蹶而出

南楚新聞

蟲兒

僖宗反正王重榮之忠力君多重榮用
灑稍嚴部下常行儒者嘗有所譴罰光
啟三年重榮爲行儒所害乃推重盈爲
帥重盈既立誅行儒乾寧初重盈卒軍
府推行軍司馬王珂爲留後重盈子珙

時為陝帥瑤為絳州刺史珂即重榮兄
重簡子出繼重榮繇是爭為蒲帥瑤珙
上章論列又與朱溫書云珂非吾兄弟
子家之蒼頭也小字蟲兒安得繼嗣珂
上章云父有興復之功遣使求援於
太原太原保薦於朝珙厚結王行瑜李
茂貞韓建為援三鎮互相表薦昭宗詔
諭之曰吾以太原與重榮有再造之功

已俞其奏矣

舊唐書本傳

桂兒

鄭文公畋字台文父亞魯任桂管觀察
使畋生於桂州小字桂兒時西門思恭
為監軍有召徵赴闕亞餞於北郊自以
衰年因以畋託之曰他日願以桂兒為
念九泉之下不設忘之言訖泫然流涕
思恭誌之及為神策軍中尉亞已卒思

恭使人召畋館之于第年未及冠甚愛之如甥侄因選師友教導之畋後官至將相黃巢之入長安西門思恭逃難于終南山畋以家財厚募有勇者訪而獲之以歸岐下溫清侍膳有如父焉思恭終於畋所畋葬於鳳翔西岡松栢皆手植之未幾畋亦卒葬近西門之墳百官皆造二隴以弔之無不墮淚咸伏其義

也北夢瑣言

小貂

隴西李常侍福相之子質氣古淡光化中與諸朝士避地梁川小貂日游鄰寺以散鬱陶寺僧有爽公者因與小貂相識每晨他出或赴齋請苟小貂在寺卽不扃鎖其房請其宴息久而彌篤乃曰李常侍在寺爭忍闔扉乎或一日從容

謂小貂曰世有黃白之術信乎好之乎
貂曰某雖未嘗留心安設不信又安敢
輒好僧曰貧道之每拂曙出寺爲脩功
德因緣也仰常侍德豈設祕惜小貂辭
遂再三竟得其術爾後最受三峯朝相
四入崔相恩知每遇二公載誕之辰乃
獻銀藥孟子此外雖家屢空終不自奉
亦不傳於子孫遂平宰李璩乃嫡孫也

嘗爲愚話之廣成杜光庭先生常云未
有不脩道而希得仙術苟得之必致禍
矣唯名行謹潔者往往得之卽李貂之

謂也

北夢瑣言

義師

興師

唐相國張濬二子一曰義師卽小字也
本名格爲蜀相一曰興師忘其名後號

李將軍名儼與父達軍機於淮海亦遇
害也格與興師舅弟俊邁而尚矯譎皆
有父風興師幼年出宅門見其門僧忘
其名傳相國處分七筓之其僧解後莫
知何臯俄而相國召僧坐安見其詞色
不憚因問之僧以郎君傳相國處分見
怪未知臯名相因驚駭慙謝以見子狂
駭奔師慈悲迴至堂前喚興師責怒之

且曰汝見僧何臯而設造次對曰今日
雖無臯過想其向來隱惡不少是以筓
之相國不覺失笑

北夢瑣言

三旺

真定墨君和幼名三旺母妊嘗夢胡僧
攜一孺子面色光黑授之曰與爾爲子
他日必大得力旣生睂目稜坼肌膚若
鐵年十五六趙王鎔初卽位見之悅而

問曰此中何得崑崙見也問其姓與形質相應卽呼爲墨崑崙因以皂衣賜之後燕王欲圖趙王俄有大風黑雲起於城上君和袒臂旁來拳毆燕之介士卽負趙王踰垣而走遂得免難後召墨生授光祿大夫

劉氏耳日記

緇郎 衲僧

崔慎由鎮西川有異人曰君四十無子

爲公求之終南翠微寺有僧絕粒五十年君遺以服玩受之則其嗣也果受之僧尋卒遂生子字曰緇郎卽崔胤也又

字衲僧

南部新書

崔胤字垂休宰相慎由子也嘗四拜宰相世謂崔四入導全忠賣社稷終亾天下胤身屠宗滅世言慎由晚無子遇異浮屠以術求乃生胤字緇郎及爲相其

季父安潛喈曰吾父兄刻苦以持門戶
終爲緇郎壞之

本傳

五代

黑牛

王氏見聞曰竹繃者非竹不食巨如野
狸山民取之甚艱岐梁睚眦之年秦隴
之地無遠近巖谷之間此物爭出犬食
不盡忽有童謠曰繃繃引黑牛天差不

自由但看戊寅歲揚在蜀江頭智者不
能議之庚午歲大梁同州節度使劉知
俊判梁入秦家于天水天水破流入蜀
居數年間蜀人又謠曰黑牛無繫絆繃
繩一時斷僞蜀先主聞之懼曰黑牛者
劉之小字繃繩者吾子孫之名也蓋崱
輩連宗字後輩連承字繃繩與宗承音
同吾老矣得不爲子孫之患乎於是害

劉公以厭之明年戊寅先主不豫合眼
劉公在目前蜀人懼之遂粉其骨揚入
于蜀江先主尋崩議者方知貓者劉也
黑牛者劉之小字戊寅歲揚入蜀江之
應

相之

石晉朝趙令公家庭有穠棗樹婆娑異
常四遠俱見有望氣者詣其鄰里問人

云此家合有登宰輔者里叟曰無之趙
令公先德小字相之見得非此應乎術
士曰王氣方盛不在身當其子孫爾後
中令由太原判官大拜出將入相則葑
言果效矣凡士之宦達非止一途或以
才升或由命遇則盛衰之氣亦隨人而
効之

北夢瑣言

蒼

雋

南漢玠初名洪度對秦王龔子耀樞龜圖皆早死玠次當立龔病臥寢中召右僕射王翻與語呼洪度洪熙小字曰蒼雋雖長然皆不足任吾事惟洪昌類我吾欲立之奈何吾子孫不肖後世如鼠入牛角勢當漸小爾因泣下獻欵翻爲龔謀出洪度以邕州洪熙容州然後立

洪昌爲太子議已定崇文使蕭益入問疾龔以告之益諫曰少者得立長者爭之禍始此矣由是洪度卒得立夏名玠改元曰光天

五代史世家

南唐

彭奴

烈祖名昇字正倫小字彭奴徐州人姓李氏唐憲宗第八子建王恪之玄孫恪

生超超生志仕爲徐州判司因家焉志
生榮榮性謹厚喜從浮屠遊多晦跡精
舍皆號李道者帝以光啟四年十二月
二日生于彭城六歲而孤遇亂伯父球
攜帝及母劉氏避地淮泗至濠州乾寧
二年淮南節度使楊行密見而奇之養
以爲子行密長子渥惡帝不以爲兄弟
行密乃以與大將徐溫曰是見狀貌非

常吾度渥終不能容故以乞汝遂冒姓

徐氏名知誥

陸游南唐書

雨師

齊王景達字子通烈祖第四子元宗之
母弟也順義四年旱七月旣望雩祀得
雨景達以是日生因小字雨師初對信
王元宗卽位改對鄂王景遷侍中進對
燕王及景遂爲太弟以景達爲元帥中

書令徙王齊

馬令南唐宗室傳

仁奮

江王景暹字宣遠烈祖第五子也烈祖初受禪以十二月二日為仁奮節景暹以是日生故小字仁奮烈祖嬖其母种氏而景暹為季由是愛遇之意過於諸子及种氏得辜景暹尚幼元恭皇后鞠之如已出烈祖以其母嘗有改立之請

故對屬不加以遠嫌也至元宗即位始

對係寧王改對信王出為虔州節度使

馬令南唐宗室傳

瑞係

宣城公仲宣後主子也小字瑞係三歲

讀孝經若成誦然聞奏樂輒審音調宮

中燕侍頗合禮度出見士大夫改容顧

揖如成人禮乾德二年卒年四歲始對

宣城公追贈岐王謚懷獻母昭惠先病
聞仲宣死哀苦增劇遂至於殂故後主
挽辭曰珠碎眼弄珍花凋世外春未銷
心裏恨又失掌中身玉筍猶殘藥香奩
已染塵前哀將後感無淚可沾巾又艷
質同芳樹浮危道略同正悲春落實又
苦雨傷叢穠麗今何在飄零事已空沉
沉無問處千載謝東風皆并其母子悼

之初仲宣卒後主哀甚然恐重傷昭惠
常默坐飲泣而已因爲詩以寫志云永
念難消釋孤懷痛自嗟雨深秋寂寞愁
引病增加咽絕風前思昏矇眼上花空
王應念我窮子正迷家吟詠數四左右
爲之泣下

馬令南唐宗室傳

阿鐵

陳誨建安人也始生數月足勁能履其

父異之因小字阿鐵及長趨捷有勇又呼為陳鐵事王氏有戰功建州被圍誨數出挑戰唐兵多苦之及城陷為王建對所獲將殺之誨走自歸查文徽文徽禮之復以為將使領兵招懷散亾文徽數表其能閩人潘承祐亦薦之授劍刺史破馬先進以功拜建州節度使委以南方之事誨繕修守備郡政無斁周師

伐淮甸誨遣其子德誠率師赴難奮春之役諸將多逗撓唯德誠力戰未嘗挫衄師還拜德誠和州刺史誨由是恩寵日加改其軍名忠義以旌之馬令南唐

武列傳

康樂

江南邊鎬初生父忽夢奔永嘉守謝靈運來謁願託君為父子鎬生類癡中

者小字康樂及冠穎秀嗣主累用之平

建州克湘潭號為邊羅漢 玉壺清話

西夏

崖埋

夏趙元昊小名崖埋羌語惜為崖富貴

為埋 長編

阿移

西夏國李德明小字阿移製蕃書十二

卷又製字若符篆 陶宗儀書史

小字錄補卷之四 終

小字錄補卷之五

吳淞 沈弘正 緝

宋

社翁

兵部李濤小字社翁時李公昉為翰林
學士月給內醞兵部嘗因春社寄昉詩
云社翁今日沒心情為寄治龔酒一瓶
惱亂玉堂將欲遍依稀巡到第三廳社

酒號治

平聲 聾酒 賈氏談錄

李濤字信臣京兆人後唐天成初舉進士甲科晉天福初改考功郎史館修撰晉祖事涇帥張彥澤殺記室張式奪其妻晉祖釋其臯濤疏請寘濤晉祖召見諭之濤植笏叩階聲色俱厲晉祖怒叱之濤執笏如初漢祖至汴卽拜中書侍郎兼戶部尚書平章事隱帝卽位楊邠

周祖共掌機密史弘肇握兵柄與武德使李穀等中外爭權互作威福濤疏請出邠等藩鎮以清朝政隱帝白于太后太后召邠等諭之反爲所構免相及周祖舉兵太后泣曰不用李濤之言宜其亾也周初起爲太子賓客歷刑部戶部尚書對莒國公宋初拜兵部尚書贈右僕射

宋史本傳

鐵牛

陶尚書小字鐵牛李濤嘗戲之曰每至

海源即思靈德

陶穀字秀實邠州新平人有俊才起家

為校書郎在周為翰林學士宋興歷禮

刑戶部三尚書遷承旨博記美詞翰滑

稽好大言佛老之書陰陽之學亦能詳

究乾德初郊澧物制度多穀所定

東都

事略

岷

蘇易簡初及第嘗與母書自稱岷岷亦

小名也

幕府燕閒錄

劔兒

王劔兒名彥昇以善擊劔得事 太祖

潛躍中隸於帳下顯德末帝為六軍推

戴還憇府第召宰相至諭以擁逼之狀

范質等未及對彥昇率爾於後按劍叱
之質等惶懼降階定君臣之禮帝以彥
昇麤獷倉卒終抑而弗用

王文正筆錄

公奴

王文正公爲兖州朝修使辟夏鄭公爲
補記一日召鄭公語曰我病自度必不
起自遭逢盡誠以事上盡公以待士以
私以怨未嘗有毫髮每念祖父興立門

第心之所存惟冀有後幼子小名公奴
恐其可教他日學士爲吾育之鄭公出
爲西帥素別於順天院曰先相有理命
在竦未能少副其意寔負愧也因道此
說素感涕交下對鄭公曰聞公之言如
聞先人之訓矣

文正遺事

鐵山

王昭遠冀州團練使王繼升子也形質

魁偉色黑繼升名之鐵山有膂力善騎射少嘗入山捕鷹鵠值澗水暴漲十餘丈昭遠升大樹經宿得免嘗涉河冰陷二公榜共援出之昭遠神色自若喜與里中惡少遊處一日衆祀里神昭遠適至有以博投授之謂曰汝他日儻有節鉞試擲以卜之昭遠一擲六齒皆赤南遊京師得事太宗於晉邸特被親遇

常呼其小字端拱初召爲殿前都虞候領勤州防禦使命有司治綾錦院爲公署掘地得一鐵若山形或言此地卽鐵山故營與昭遠幼名合聞者異之

宋史

列傳

選哥
宋郊母夢朱衣人昇一大珠受而懷之既寤猶覺暖已而生郊後又夢前朱衣

小字金和卷五 五 暢閣
攜文選一部與之遂生京文故小字選

哥塵史

大馬

小馬

楊某尚書以耳聾致政居鄆縣別業同
里有高氏者貲頗厚有二子小字大馬
小馬者紫明經屢上謁楊以里閭之故
雖庸下常待以溫顏一日里中社小馬

攜酒一榼就楊公曰此社酒善治聾願
得侍梧杓之餘瀝楊瞑目良久呼小僕
取箋書絕句與之曰十數年來聾耳曠
可將社酒便能醫一心更願清旨了免
見豪家小馬見墨客揮犀

糴郎

王荆公初生家人見有糴入其產室有
頃公生故小字糴郎嘗以問蔡元度曰

有之物理殆不可曉

蒙齋筆談

錦衣奴

梅聖俞幼戲謝師直詩古錦裁詩句班

衣戲坐隅木奴今正熟肯效陸郎無師

直小名錦衣奴至十歲方悟之

劉貢父詩話

同叔

已卯嘉辰壽何同

子由小字同叔元日已卯渠本命也

願渠無過亦無功明年春日江湖上回

首觚稜一夢中

蘇集

蜀孫

駕部員外郎李宗君固景祐中良吏也

守漢州有道士尹可元精練善畫以遺

火得臯當死君緩其獄會赦獲免肯可

元八十一自誓且死必為李氏子以報

可元既死二十餘季而君子世昌之婦

夢可元入其室生子曰得柔小名蜀孫

幼而善畫既長讀莊老喜之遂爲道士
賜號妙應東坡贈李道士詩序

幹見

去歲九月二十七日在黃州生子名遜
小名幹見頽然穎異至今年七月二十
八日病亾於金陵作二詩哭之吾年
四十九羈旅失幼子幼子真吾見眉角
生已似未期觀所好踟躕遂書史搖頭

卻梨栗似識非分恥吾老常鮮歡賴此
一笑喜忽然遭奪去惡業我累爾衣薪
那免俗變滅須臾耳歸來懷抱空老淚
如瀉水我淚猶可拭日遠當日忘母
哭不可聞欲與汝俱亾故衣尚懸架漲
乳已流牀感此欲忘生一臥終日僵中
年忝聞道夢幻講已詳儲藥如丘山臨
病憂求方仍將恩愛刃割此衰老腸知

迷欲自反一慟送餘傷

蘇子瞻集

斗老

借弄韻賀子由生第四孫斗老

散幽憂彈冠及新沐况聞萬里孫已報

三日浴朋來四男子大壯泰臨復開書

喜見面未飲春生腹無官一身輕有子

萬事足舉家傳吉夢殊相驚凡目爛爛

開眼電碗碗峙頭玉

李賀詩云頭玉碗碗看字翠杜郎生

得真但令強筋骨可以耕衍沃不須富

文章端解耗紙竹君歸定何日我計久

已熟長留五車書要使九子讀

吾與子由共九

孫男簞瓢有內樂軒冕無流矚人言适

似我窮達已可卜蚤謀二頃田莫待八

州督

吾前後典八州

蘇子瞻集

楚老

坡孫名聽下啞啞惟楚老荆公自稱楚

老類說詩話

小德 拾得

山谷詩小兒未可知客或許敦龐

山谷子相

小字誠堪壻阿吳

阿吳東坡女孫也

買紅纏酒

缸

黃山谷嘲小德詩 中年舉兒子漫種

老生涯學語轉春鳥塗窻行莫鴉欲嗔

王母惜稍慧女兄誇解著潛夫論不妨

無外家

蘇子瞻次韻魯直嘲小德詩

小德魯直子其母微

故其詩云解著潛夫論不妨無外家進饌客爭起小兒那

可涯莫欺東方星三五自橫斜名駒已

汗血老蚌空泥沙但使伯仁長還興絡

秀家

東坡贈山谷子詩 黃童三尺世無雙

筆頭衮衮懸龜江不憂老子難為父平

生崛起今已降我來喜共阿戎語應敵
縱橫如急雨生子還如孫仲謀豚犬謾
多何足數黃家小兒名拾得眉如長松
眼如漆只今數歲已動人老人留眼看
他日笑君老蚌生明珠自笑此物吾家
無君當置酒我當賀有兒傳紫夏何須
按山谷先配孫氏莘老之女對蘭谿縣
君後配謝氏師厚之女對介休縣君生

一男曰相一女曰睦則小德拾得爲相
小名小字矣

路兒

徐仲車名積苦學養母盡力行年四十
不婚不仕久之鄉人迫令就舉逮應入
京則以隻輪載母躬自推行葛衫艸履
行道之人不能辨也登治平四年第未
調官母亾遂不復仕家居山陽衣食不

給及路振通判楚州始爲娶妻生子小
名路兒

東坡嘗言仲車古之獨行人於陵仲子
不能過然其詩文則怪而放如玉川子
此一反也耳贖甚畫地爲字乃始通終
日面壁不與人接而四方事無不周知
此二反也晉王肅三反而斯人有其二
亦可謂異矣

坡詩集註

鳳兒

黃山谷戲贈瞿子方家鳳兒詩 東芽
入湯師子吼荔子新剝女兒頰鳳郎但
喜風土樂不解生愁山疊疊日如點漆
射清揚歸肯定自能文章莫隨閩嶺三
年語轉卻中原萬籟簧

山谷集

照僧

朱氏子出家小名照僧少喪父與其母

尹皆願出家照僧師守素乃參寥弟子也照僧九歲舉止如成人誦余赤壁賦鏗然鸞鶴聲也不出十年名聞四方此參之灑孫東坡門僧也

東坡志林

鼈兒

洞陽

三雄

蘇子由之子與米襄陽家小米皆字虎

見黃山谷贈以謝元暉古印是也又襄

陽一帖云吾子鼈兒洞陽三雄則虎兒

豈又在三子外耶

偃曝談餘

道奴

德奴

慶奴

余始興與米南宮為僚官南宮與叔晦為代雅以文藝同好甚相得於其別也

故以祕玩贈之題以示二姓之子孫異日相值者叔晦之子道奴德奴慶奴僕之子鼈兒洞陽三雄

米襄陽志林

首

滿

吳處厚青箱雜記曰嶺南風俗相呼不以行第唯以各人所生男女小名呼其父母元豐中余任大理丞斷賓州奏案

有民韋超男名首即呼韋超作父首韋遯男名滿即呼韋遯作父滿韋全男女名插孃即呼韋全作父插韋庶女名睡孃即呼庶作父睡妻作孃睡

十狗

狀頭時彥字邦美母懷之彌月夢九人皂衣肩輿一金紫人徑人房中明日犬生九子皆黑晚遂生彥故小名十狗同

年錄見之終於吏部尚書 東臯錄

僧哥

張彧字景安文潛之子也俊邁有家聲
一日赴調得蔡州權山市易務方欲出
京當宣和間景龍門燈火極盛見公道
自頽昌來潛觀遇之途景安欲拜而止
之曰豈非小字僧哥者乎曰是也乃邀
登酒樓飲酣贈以詩曰壁水衣冠明玉

靈市樓風月話江瀦莫學羣兒賤家灑
入門無不曳長裾景安建炎中為陝西

教授 陶朱新錄

驥兒

旃郎

季延

紹興十八年四月十七日皇帝御集英
殿唱名賜狀元王佐以下及第出身同

出身共三百三十人釋褐五月
立題名石刻于禮部貢院賜狀元王佐
等聞喜宴于禮部貢院第一甲第一人
王佐字宣子小名千里小字驥兒年二
十九月初一日生外氏葉具慶下第五
十八兄弟五人一舉娶高氏曾祖仁故
不仕祖忠故不仕父俊彥見任左迪功
郎鎮江府教授本貫紹興府山陰縣禹

會鄉廣陵里父爲戶第四甲第一百八
人奉議郎直敷文閣韓彥真字子溫小
名檀僧小字旃郎年十八六月二十八
日生外氏茆具慶下第一兄弟四人一
舉娶王氏曾祖廣故贈大師進對楚國
公祖慶故贈太師進對魯國公父世忠
見任楊武翊運功臣太傅充鎮南武安
寧國軍節度使醴泉觀使咸安郡主本

貫延安府膚施縣烏水鄉強遠社祖為
 戶第五甲第九十人朱熹字元晦小名
 沈郎小字季延年十九九月十五日生
 外氏祝偏侍下第五一兄弟無人一舉
 娶劉氏曾祖徇故不仕祖森故贈承事
 郎父松故任左承議郎本貫建州建陽
 縣羣玉鄉三桂里父為戶

紹興十八年

同年小錄

馬哥

陸游老學庵筆記曰從伯父右司小名
 馬哥在京師省祖母楚國夫人出上馬
 矣楚國偶有所問自出屏後呼馬哥親
 事官聞之白伯父曰夫人請吏部蓋此
 輩亦習聞之也

寄見

朱景先銓淳熙雨申主管四川茶馬男

小字金補卷五 楊閣
遜買成都張氏女爲妾曰福孃明年娶于范氏以新婚不欲留妾妾已娠不肯去強遣之又明年朱被召以十月旦離成都福孃欲隨東歸不果後四十日生一子小名爲寄兒朱居姑蘇吳蜀杳隔彼此不相知聞庚子歲遜亾范婦無出朱又無他兒悲痛殊甚乙巳歲朱持母喪後茶馬使者王渥少卿遣駛卒賫書

致唁卒乃舊服役左右者方買福孃時其卒實爲牙僧因從容言福孃自得子之後甘貧守節誓不嫁人其子今已七八歲從學讀書矐目疎秀每自稱官人非里巷羣兒比也朱雖喜而未深信其與卒偕來者巡檢鄒圭亦故吏呼扣之盡得其實卽令圭達書上卿及制帥留尚書祈致其母子會蜀士馮震武舟東

下遂附以行未至而朱遇南郊恩當延
賞乃以 奏朱以爲得之於乖離絕
望之中實天所賜名之曰天賜及其至
也首問其曾命名與否母曰從師發蒙
日命爲天賜吁萬里之遙脗合若此何
其異哉 夷堅志

婆惜

括蒼何湛叔存清源王曾孫也淳熙丁

未赴省試館于三橋逆旅揭榜之夕遣
僕探候久而不至有憂色因率同輩登
橋聽響卜駐足未定聞河畔婦人叫呼
曰婆惜你得婆惜你得蓋吳人愠怒欲
行打罵之詞俗謂之受記非吉兆也湛
獨喜亟還曰可賀我矣同輩曰叔存作
意聽響卜而連四得字夫復何疑湛曰
不特此也吾小名正爲婆惜衆皆喜方

買酒欲飲而僕歸報果中前列夷堅志

從龍

君和

寶祐年登科錄第一甲一名文天祥字

宋瑞小名雲孫小字從龍年二十第二

甲一名謝枋得字君直小名鍾小字君

和年三十第二甲二十七名陸秀夫字

君實年十九是榜有忠臣三人皆少年

也偃曝談餘

黑兒

蜀錦浦坊民李貞家養狗名黑兒貞因

醉持斧擊殺之貞臨老與鄰舍惡少白

昌祚爭競昌祚乘醉以斧擊貞死焉時

昌祚年十九歲與殺狗年正同昌祚小

字黑兒冤報顯然不差絲髮儆戒錄

字黑... 補... 世... 員... 補... 世... 員... 補... 世... 員...

小字錄補卷之五終

小字錄補卷之六

吳淞 沈弘正 緝

遼

啜里只

遼故契丹部族契丹之君痕德堇可汗
時權歸于越邪律億邪律億者迭刺部
夷離堇也為契丹于越總知軍國事字
阿保機小字啜里只嘗以騎兵七萬會

李克用於雲州破劉仁恭而中國畏之
 唐天復四年痕德董可汗死國人立以
 為皇帝是為遼太祖時當五代之始與
 中國聘問往來不絕其都有五京自太
 原以西至高麗有中國之地帶數千里
 而沙漠以北所統諸君國皆入貢籍其
 官有北南面大王北面治國人南面治

北南府宰相北兵南民分治

之而大抵因唐舊兼用國制惟于越最
 貴太祖立其將二十一人各有所擬而
 邪律曷魯為心蕭敵魯為手敵魯之弟
 阿古只為耳

楊氏遼小史

太祖多用漢人教以繇書之半增損之
 製契丹字數千以代刻木之約其字如

憐朕也支走用馬疾急之類是也陶

宗儀書史

堯骨

遼太宗諱德光字德謹小字堯骨太祖

第二子 遼史

太祖親征渤海大譴誤改為東丹國而
又議立太子倍為人皇以主之既崩人
皇王適當立知太后意欲立德光于是
讓位太宗既立反疑人皇王歎曰我以
天下讓主上今反見疑不如適他國以

成吳太伯之名立木海上刻詩曰小山

文壓大山大山全無力羞見故鄉人從此

投外國 遼小史

兀欲

遼世宗諱阮小字兀欲讓國皇長子

述律

遼穆宗諱璟小字述律太宗長子 遼史

明晟

遼景宗諱賢字賢寧小字明扈世宗第

二子

遼史

穆宗無子及遇變世宗之子賢率甲騎千人馳越黎明至行在哭之慟羣臣勸進遂卽位號天贊皇帝蓋天下至是復歸人皇王之後

遼小史

文殊奴

景宗遺詔以梁王隆緒嗣位軍國大事

聽皇后命隆緒小字文殊奴景宗長子也德讓進曰信任臣等何慮之有於是皇后於此二人參決大政而以南邊事委於越宋將曹彬米信北渡拒馬河與于越休哥對壘挑戰南北列營長六七里時上次涿州東五十里遼師與彬信戰大敗之而遼兵前進不已自兵興來十七年至於澶淵蕭太后親御戎車指

小字金和卷六 四 暢閣
麾三軍攻宋益急宋懼請和願以太后
爲叔母歲輸銀十萬兩絹二十萬匹始
詔諸軍解嚴當皆休哥之名大振於宋
宋人欲止見啼乃曰于越至矣宋自太
宗攻遼構兵至是真宗始與遼結和凡
二十四年而定帝在位四十九年興師
殆無虛歲屢有喪敗而好兵不休然遼
亦自是尊大宋人屈氣不設復北向者

蓋自聖宗始也

遼小史

只骨

遼興宗諱宗真字夷不堇小字只骨聖
宗長子善騎射好儒術通音律

遼史

重熙七年帝是蕭惠議先遣劉六符使
宋取舊割關南十縣宋遣富弼來奉書
願增歲幣以易十縣地帝未許弼曰遼
與宋和坐受歲幣則利在國家臣下無

與與宋交兵則利在臣下害在國家帝
悟許和然欲令宋稱貢宋難之復使六
符往六符至宋說宋帝曰使本朝從事
於宋與進貢字孰多邪仁先曰曩者石
晉報德本朝割地以獻周人攘而取之
是非利害灼然可見於是宋不得已從
稱貢凡歲增銀絹十萬兩匹六符以誓
書至帝喜罷兵而遼宋復通晚歲待宋

愈親謂臣下曰朕與宋主約爲兄弟歡
好欲見繪像可諭來使

遼小史

查刺

遼道宗諱洪基字涅隣小字查刺興宗
長子性沈靜嚴毅喜作字嘗有所書秦
越大長公主捨棠陰坊第爲大昊天寺

碑及額今在燕京舊城

陶宗儀書史

道宗初卽位求直言訪治道勸農興學

小字金神卷六
暢閣
救留恤患粲然可觀及夫謗訕之令既
行告訐之賞日重羣邪並興讒巧競進
賊及骨肉皇基寢危衆正淪胥諸部反
側甲兵之用無寧歲矣一歲而飯僧三
十六萬一日而祝髮三千徒勤小惠蔑
計大本 遼紀贊

阿果

遼末帝諱延禧字延寧小字阿果

遼史

末帝道宗孫自號天祚皇帝敗於金兵
走夾山秦王淳守燕壬寅自立稱天錫
皇帝改元建福立三年卒蕭幹互失林
牙立淳妻蕭氏爲太后改元德興金兵
破燕反失林牙與蕭氏奔夾山延禧殺
蕭氏謀奔西夏未至爲金人所擒降對
海濱侯射殺之 帝王姓系譜

圖欲

小字金符卷六
人皇王義宗名倍小字圖欲太祖長子
母淳欽皇后蕭氏幼聰敏好學外寬內

摯

遼宗室傳

人皇王浮海適唐唐以天子儀衛迎人
皇王人皇王坐船殿百官陪列上鸞至
汴見明宗明宗以莊宗后夏氏妻之賜
姓李名贊華以爲虔州節度使人皇王
雖去常思其親問安之使不絕遼亦常

報之及李從珂殺其主自立人皇王自
唐上書密報太宗曰從珂弑君盍討之
會從珂伐石敬瑭敬瑭急亦來求救於
是太宗自將援敬瑭及次太原大敗唐
兵弃仗如山斬首數萬級遂冊敬瑭爲
大晉皇帝酒酣執手約爲父子以五百
騎送入洛晉主至洛從珂窮感召人皇
王同死人皇王不從遣人殺之

遼小史

李胡

章肅皇帝小字李胡一名洪古字奚隱
太祖第三子母淳欽皇后蕭氏太祖嘗
觀諸子寢李胡縮項臥內曰是必在諸
子下又嘗大寒命三子採薪太宗不擇
而取最先至人皇王取其乾者束而歸
後至李胡取少而弃多既至袖手而立
太祖曰長巧而次成少不及矣而母篤

愛李胡天顯五年遣狗地代北攻寰州
多俘而還遂立爲皇太弟兼天下兵馬
大元帥太宗親征常畱守京師世宗卽
位鎮陽太后怒遣李胡將兵擊之至泰
德泉爲安端畱哥所敗太后與世宗隔
潢河而陣各言舉兵意邪律屋質入諫
太后曰主上已立宜許之皆李胡在側
作色曰我在兀欲安得立屋質曰奈公

酷暴失人心何太后顧李胡曰昔我與
太祖愛汝異於諸子諺云偏憐之子不
保業難得之婦不主家我非不欲立汝
汝自不能矣

遼宗室傳

邪魯幹

順宗名濬小字邪魯幹道宗長子母宣

懿皇后蕭氏

遼宗室傳

重元亂平邪律乙辛亦以功得貴用事

而太子濬領國事賢明乙辛不得逞惡
太子謀以事誣太子母后后好音樂伶
官得侍會教坊告伶官與后私乙辛劾
驗實之賜后死太子有憂色乙辛常不
自安乃使人誣告大臣欲廢帝立太子
詔案無迹不治蕭訛都幹初按太子無
功補外至是欲進乃詣闕誣首前告事
皆實臣亦與其謀本欲殺乙辛而立太

子臣若不言恐事發連坐帝信之幽太子於別室命邪律燕哥劾治太子曰帝惟我一子今爲儲嗣尚何求公我昆弟行當爲我達意于帝禱之甚懇燕哥亦乙辛黨詐爲太子款狀上之帝廢太子爲庶人送至上京囚圍堵中乙辛尋遣力士至囚室殺之詐云疾薨帝哀太子欲召太子妻乙辛復使人殺之太子死

乙辛黨大喜聚飲數日而帝不知也後帝亦悟乙辛奸乙辛稍坐他事廢棄謀奔宋帝縊殺之然終乙辛身無發太子事者天下無不寃太子而笑帝太子廢道宗無他男立太子子天祚

遼小史

敖盧幹

晉王小字敖盧幹天祚皇帝長子母曰文妃

論曰天祚不君臣下謀立其子適以殺之敖盧幹重君父之命不亡而死申生其恭矣乎

遼宗室傳

兀里

邪律羽之覲烈弟小字兀里字寅底晒幼豪爽不群長嗜學通諸部語太宗卽位表奏徙東丹國民於梁水時稱其善

遼列傳

寅古

蕭思溫小字寅古宰相敵魯之族弟忽沒里之子通書史太宗時爲奚禿里太尉尚燕國公主思溫與南院樞密使高勳飛龍使女里等立景宗保寧初爲北院樞密使兼北府宰相仍命世預其選上冊思溫女爲后加尚書令對魏王

遼

列傳

留只哥

蕭繼先字楊隱小字留只哥幼穎悟叔

思溫命為子

遼列傳

圖古斯

蕭孝忠字撒版小字圖古斯志慷慨開

泰中補祇候郎君尚越國公主

遼列傳

王九

陳昭袞小字王九雲州人工譚鞮勇而

善射開泰五年秋大獵帝射虎以馬馳

太速矢不及發虎怒奮勢將犯蹕左右

辟易昭袞捨馬捉虎兩耳騎之虎駭且

逸上命衛士追射昭袞大呼止之虎雖

軼山昭袞終不墮地伺便拔佩刀殺之

輦至上前

遼列傳

可汗奴

制心小字可汗奴父德崇善醫視人形

色輒決其病制心以皇后外弟恩遇日
隆母內宴歡洽輒避之皇后不悅曰汝
不樂邪制心對曰寵貴鮮能長保以是
爲憂耳

遼列傳

項烈

蕭幹小字項烈字婆典北府宰相敵魯
之子乾亨二年宋兵圍瓦橋戰卻之時
皇后以父呼幹

遼列傳

胡獨董

蕭孝穆小字胡獨董淳欽皇后弟阿古
只五世孫父陶瑰爲國暘詳穩孝穆爲
大丞相晉國王謚曰貞孝穆雖椒房親
位高益畏太后有賜輒辭不受所薦拔
皆忠直士時稱爲國寶臣目所著文曰
寶老集二子阿刺撒八弟孝先孝忠孝

友

遼列傳

海里

蕭孝先字延寧小字海里

遼列傳

陳畱

蕭孝友字撻不衍小字陳畱

遼列傳

札刺

邪律資忠字沃衍小字札刺系出仲父

房兄國畱善屬文聖宗重之時妻弟之妻阿古與奴通將奔女直國國畱追及

奴殺之阿古自經阿古母有寵于太后

事聞太后怒將殺之帝度不能救遣人

訣別問以後事國畱謝曰陛下憫臣無

辜恩漏九泉死且不朽在獄著兔賦寤

寐歌資忠年四十未仕聖宗知其賢召

補宿衛

遼列傳

陳六

邪律庶成字喜隱小字陳六季父房之

後父吳九檢校太師庶成幼好學書過目不忘善遼漢文字於詩尤工契丹醫人鮮知切脈審藥上命庶成譯方脈書行之時入禁中參決疑議偕林牙蕭韓家奴等撰實錄及禮書與樞密副使邪律德修定灑令

遼列傳

脫古思

蕭惠字伯仁小字脫古思淳欽皇后弟

阿古只五世孫重熙七年帝欲一天下謀取三關集羣臣議惠曰兩國疆弱聖慮所悉宋人西征有年師老民疲陛下親率六軍臨之其勝必矣蕭孝穆曰我先朝與宋和好無裨伐之其曲在我況勝敗未可逆料願陛下熟察帝從惠言迺遣使索宋十城會諸軍于燕惠與大弟帥師壓宋境宋人重失十城增歲幣

請和惠以首事功進王韓

遼列傳

暢閣

幹

邪律世良小字幹六院部人才敏給練達國朝典故及世譜上書與族弟敵烈爭嫡庶帝始識之時北院樞密使韓德讓病帝問孰可代卿德讓曰世良可北院大王邪律室魯復問北院之選德讓曰無出世良統和末爲北院大王開泰

初因大冊禮加檢校大尉同政事門下

平章事

遼列傳

查刺

邪律仁先字紉鄰小字查刺

清寧九年皇太叔重元與其子涅魯古謀逆未發帝獵太子山邪律良以告帝謂良曰汝欲聞我骨肉邪良曰如召涅魯古不來可卜其事涅魯古果不肯至

帝始信召邪律仁先語之仁先曰臣固
疑之久矣帝趣仁先捕之仁先出未及
介馬重元已犯行宮王侯從者四百人
帝欲奔南北院王仁先曰陛下若舍扈
從而行賊必躡之且南北大王心未可
知仁先子撻不也曰聖意豈可違乎仁
先怒擊其首帝悟悉委仁先討賊追殺
二十餘里元重與數騎入大漠曰涅

魯古使我至此遂自殺帝執仁先手曰
此皆卿力也

遼小史

蘇

邪律良字習撻小字蘇著帳郎君之後
生於乾州重熙中爲燕趙國王近侍以
家貧詔乘廐馬遷脩起居注會獵秋山
良進秋游賦上嘉之清寧中上畚鴨子
河作捕魚賦由是寵遇稍隆遷知制誥

兼知部署司事奏請編御製詩文目曰
清寧集上命良詩為慶會集親製其序
頃之為敦睦宮使兼權知皇太后宮諸
局事良聞重元與子涅魯古謀亂以帝
篤於親愛不設遽奏密言於皇太后太
后託疾召帝白其事亂平以功遷漢人
行宮都部署卒謚曰忠成

遼史列傳

字吉只對好至此慈自慈帝時二夫手曰

重元小字字吉只聖宗次子子涅魯古

遼史列傳

邪魯縮

涅魯古小字邪魯縮性陰狠與宗一見

謂曰此子目有反相

遼史列傳

滑哥

蕭革小字滑哥字胡突董國舅房林牙
和尚之子對鄭國王清寧九年革以其

子爲重元壻革預其謀陵遲殺之

遼史

金

麻達葛

章宗諱璟小字麻達葛顯宗嫡子也母曰孝懿皇后徒單氏大定八年世宗奔金蓮川秋七月丙戌次冰井上生翊日世宗奔東宮宴飲歡甚語顯宗曰祖宗積慶而有今日社稷之福也又謂司徒

李石樞密使紇石烈志寧等曰朕子雖多皇后止有太子一人希見嫡孫又生於麻達葛山朕嘗喜其地衍而氣清其以山名之

金本紀

興勝

衛紹王諱永濟小字興勝夏諱允濟章宗嘗避顯宗諱詔改允爲永世宗第七子

金本紀

章宗璟多嬖而無子其叔父允濟年已老矣柔弱鮮智能獨不為璟所忌璟病允濟來朝將辭璟力疾與之擊球曰叔王不欲作主人遽去邪乃立允濟允濟立改元大安大安元年元兵始起

金小

史

烏家奴

粘罕者吳乞買三從兄弟名宗幹小名

烏家奴本曰粘漢言其類漢人也其父即阿盧里移賚粘罕為西元帥後雖貴亦襲父官稱曰阿盧里移賚字極烈都元帥字極烈彼云大官人也

松漢記

聞

陳和尚

完顏陳和尚名彝字良佐以小字行豐州人系出蕭王諸孫死節官至贈鎮南

軍節度使天資高明雅好文史軍中無事則窻下作牛毛細字如寒苦之士金史忠義傳

金人姓字攷曰完顏漢姓曰王

牙哥

泰和五年復令鉤控制律以知大興府

事尼龐古鑑御史中丞董師中翰林待

制與屯忠孝小字牙哥提點司天臺張嗣翰

林脩撰完顏撒剌刑部員外郎李庭義

大理丞麻安止為校定官大理卿閻公

貞戶部侍郎李敬義工部郎中賈鉉為

覆定官重修新律焉金刑志

元

黑馬

劉嶷字孟方秦國公伯林之子始生時

家有白馬產黑駒故以為小字元史列

傳

放軍

李守賢字才叔大寧義州人也祖小字放軍嘗從金將攻宋淮南飛石傷髀錄功賞生口七十主將分命將校殺所掠俘苟有失亾者梟死放軍當殺五百人皆縱之去金大安初守賢暨兄庭植弟守正守忠從兄伯通伯溫歸款於太師

國王木華黎入朝太祖于行在所卽命庭植爲龍虎衛上將軍右副元帥崇義軍節度使守賢授錦州臨海軍節度觀察使弟守忠爲都元帥守河東朝廷以全晉爲要害之地人心危疑未定非守賢鎮撫之不可乃自錦州遷河東南路兵馬都總管既至河東人皆曰吾等可恃以生矣歲戊子朝於和林加金紫光

小字金補卷六
三
祿大夫

元史列傳

茶丘

洪俊奇小字茶丘嘉議大夫瀋陽侯福源第二子也幼從軍以驍勇受知世祖嘗以小字呼之

其先中國人唐遣才子八人往教高麗

洪其一也

俱元史列傳

雙叔

洪君祥小字雙叔福源第五子也仕至

榮祿大夫平章政事商議行省事

元史

重喜

洪萬小字重喜俊奇長子也仕至遼陽

行省右丞

元史

納懷

鄭制宜小字納懷潞國公鄭鼎子也對

澤國公諡忠宣

元史列傳

勞山

李庭小字勞山本金人蒲察氏金末來中原改稱李氏家于濟陰後徙奮光至元六年以材武選彜軍籍權管軍千戶從伐宋世祖崩月見魯與伯顏等定策立成宗庭翊贊之功居多贈太保上柱

國追對益國公

元史列傳

拜帖木兒

崔或字文卿小字拜帖木兒弘州人負才氣剛直設言世祖甚器重之仕至平章政事追對鄭國公

元史列傳

伯顏

賀勝仁傑子也字貞卿一字舉安小字伯顏以小字行嘗從許衡學通經傳大義年十六入宿衛凝重寡言世祖甚器重之大臣有密奏輒屏左右獨留勝許

聽之出則參乘輿入則侍帷幄非休沐
不得至家仕至光祿大夫左丞相加對
秦國公

元史列傳

松喬

李瓊小字松喬濰州人李全子也或曰
瓊本衢州徐氏子父嘗爲揚州司理參
軍全蓋養之爲子云太祖十六年全叛
宋舉山東州郡附太師國王孛魯承制

拜全山東淮南楚州行省而以其兄福
爲副元帥太宗三年全攻宋揚州敗死
瓊遂襲爲益都行省仍得專制其地後
反以漣海三城獻于宋伏誅

元史列傳

長喬

池灣沈氏藏管仲姬字一卷平安家書
付三哥長喬收拆孃押對孃書付三哥
吾見昨日福山寺僧來得五哥六月內

書知汝安好家中及道院內平善方得
放心可收音盟寺呈子至先還借錢一
百定如得入手可與四五哥大一哥商
量交孫行可買東橫錢百戶屋地并西
邊蘿蔔地及德清園并地我已分付五
哥了此地若別對付錢買了卻將此錢
好生實對了埵的便寄來九月間沈山
主周年切須與三定錢油三斤米五斗

請十僧燈斛做汝父母名字追薦沈山
主則箇可憐此人多與我家出氣力切
須報答他書到便與哥哥每說知分付
福和萬六道徐慶一等交好生與我安
排供養爲好蘇灣田陸徐蒼二好生修
理休悞桑樹好生照管澆灌山上亦宜
照管交梓沛兄令人多接栗樹多種椒
樹只此不一七月二十六日孃付三哥

收此

太平清話

伯鸞

蘓壽元字仁仲福安人九歲屬文其師以詩最之曰伯鸞蘇氏子年少勤經史下筆如有神氣槩邁前古切勿恃其長囊麝自然香如有周公美使驕不足揚

伯鸞小字也

皇元風雅

鐵安

元好問寄程孫鐵安詩 御史陰功在

見孫玉不如已能騎竹馬想亦愛銀魚

異縣關山濶衡門骨肉疎幾時從老叟

盡讀外家書

皇元風雅

阿駒

楊奐諭內詩 飄零風塵際拚作窮獨

叟四年四懸弧吉兆自申酉顧我果何

人報施嗟已厚今冬復爾耳

魏崔琰太祖日諺語

生女喜在得分剖女亦吾所出胡爲生
爾耳可否天下盡男子無姑卒無婦阿駒才
五歲見客謹拜叩稍稍愛紙筆門戶知
可守女生願有家教之奉箕帚皇元風雅

阿瑛

顧阿瑛字仲英名德輝崑山人年三十
始折節讀書築別業於茜涇西曰玉山
集處與客酒詩四方文學之士咸主其

家財雄於吳文雅風流著稱東南嘗舉
茂才署會稽教諭不就張士誠入吳欲
強以官乃去隱於嘉興之令谿晚閱什
氏有悟遂祝髮稱金粟道人洪武初隨
其子元臣遷臨濠所著詩曰玉山璞橐
萃亭館篇詠艸堂名勝集萬姓統譜
阿瑛自題金粟道人小像 儒衣僧帽
道人鞋天下青山骨可狸若說向時豪

俠處五陵鞍馬洛陽街

阿孫

袁介檢田吏詩
有一老翁如病起
破衲毳瘦如鬼
曉來扶向官道傍
哀告行人乞錢米
肯予奉檄離江城
邂逅一見憐其貧
倒囊贈與五升米
試問何故爲窮民
老翁答言聽我語
我是東鄉李福五
我家無本爲經商
只種官田三十

畝
延祐七年三月初賣衣買得犁與鋤
朝耕暮耘受辛苦
要還私債輸官租
誰知六月至七月
雨水絕無潮又竭
欲求一點半點水
却比農夫眼中血
滔滔黃浦如溝渠
田家爭水如爭珠
數車相接接不到
稻田一旦成沙塗
官司八月受災狀
我恐徵糧喫官棒
相隨隣里去告災
十石官糧望全放
當年隔堦分吉凶

高田盡荒低田豐縣官不見高田旱將
謂亦與低田同文字下鄉如火速逼我
將田都首伏只因嗔我不肯首盡把我
田批作熟太平九月開旱倉主首貧乏
無可償男名阿孫女阿憐逼我嫁賣陪
官糧阿孫賣與運糧戶卽目不知在何
處可憐阿憐猶未笄嫁向湖州山裏去
我今年紀七十奇飢無口食寒無衣東

求西乞度殘喘無因早向黃泉歸旋言
旋拭顙邊淚我忽驚漸汗沾背老翁老
翁勿復言我是今年檢田吏

小字錄補卷之六終

小字懸麻卷之六

徐珍野言非是今平念川史

漢文題最氣非必漢補刊古昔茶作

東西之實然謂無因早向真泉



